

養默山房詩藁

養默山房詩藁卷三十

松滋 謝元淮 默卿

雲臺集

壬寅

登大伊山望海慨然有作

童男卯女覓蓬壺卻笑秦皇作計粗採藥樓船何日
返登山筇屐此時俱江河入海涵清濁齊魯連雲望
有無誰信島夷來地底一揮長劍掃天吳

大伊山古佛寺

野寺尋幽去荒山絕世塵暗泉通地脈

寺前井泉什
冽天旱不涸

遠近就汲古柏抱天真寺中古栢三株其一圍一丈三尺枝幹虬曲千餘年物也旱久

思霖雨時荆海亢旱望雨甚殷時窮望鬼神低徊何限意去住

愧閒身

胸陽重贈石華大令

人日題箋答久遲今歲人日先生寄詩見懷時在滬上軍務倥傯未及作答又逢

端午和新詩甘棠去已三年詠陶文毅公歿三載矣海州人士思念遺愛

為建專祠於板浦禹筴來真五載期余於道光十六年權攝分司篆

經理票鹽有效商竈製匾聯為贈有奇字競傳揚子

宅先生有舊宅一區石塘司讀書常下董生帷先生主講

善書書院遠近從學如雲數年來登賢相看一笑開

書者四人本年以商竈籍入庠者九人

襟處白雪依然未染髭

憂旱

百里雲臺山峯峯藏雲氣不道爲霖懶撐空弄晴翠

二

小雨不濕地雷聲恆在天溪流已斷絕何處問來船

三

昨夜發狂飈山谷聲震蕩曉聞大樹摧花草都無恙

四

海濱盡斥鹵甘澤望及時縱乏潤物功須放好風吹

嘲缸中蓮花

久旱禾垂盡荒原草亦空蓮花無意緒嘿嘿向人紅

二

捲葉依荒砌舒花近小窗托根陶缶內應不憶秋江

聞警

風鶴連朝數十驚不知何處有堅城亂離無術全妻
子深愧當時說請纓

養士於今二百年何曾一矢向夷船連檣又報吳淞
失大捷甯波羽檄傳

吳淞賊退喜方新海口何時守要津到處不勞爭戰
力空城逃徙久無人

煙花從古說揚州綠野堂開恣宴遊奇計爭誇三十
六累他林下也多愁

中秋對月寄呈石華大令

大好中秋月偏臨萬頃波流光搖碧海倒影入黃河

時河決宿遷黃河由海州入海村舍依稀見雲臺突兀多庾公樓上

客乘興近如何

皓魄今宵滿清光四海周巨鯨初隱浪孤鶴漫橫秋
客有吹簫待人思借斧修邇來愁髮白明鏡恰當頭

和李雲舫少卿畱別粵東元韻

裊海無端湧怪濤洪爐不解燎鴻毛跳波已見魚羅

網鉞險誰教不突牢鬼國微茫居地下

神謨緩服仰

天高思爲大釣呼龍伯脯醢狂鯨膾巨鼇

禦寇由來海上難風潮乘險犯高灘虎門大角勞收
復香港橫櫓頓改觀自有丹忱抒義憤曾將赤手挽
積瀾辛勤敢惜經營苦從此巖疆獲久安

諸葛昔垂宇宙名還從嶺嶠屹長城籌邊掌上觀紋
絡料敵胸中偃甲兵星耀南雲占霽采浪恬渤海喜
澄清江淮又借維持力孺子歌聞好濯纓

草澤求賢費酌斟釣臺時訪古淮陰奇佶劍客歸同

金鼓聲迴營練壯心我信相如完尺璧人誇季布諾
千金功成指日朝

天去爲和新詩效楚吟

五十九初度感懷

百年三萬六千場又值生辰一舉觴壯不如人今漸
老無多酌我醒猶狂憂心未輟明明月顚鬢難勝漸
霜霜剩得元龍豪氣在盱衡海國意飛揚
戈船滿目警妖烽樽俎何人豫折衝正望

天兵收定鎮旋驚地險失吳淞誰爲舞鶴劉遵祖我
歎騎豬武懿宗獨有軍門能殉節招魂回首涕沾胸

余在吳淞防堵時陳蓮峯軍門極蒙優待吳
淞之難惟先生一人死綏思之每爲泣下

剛恃長江鎖鑰堅紅旗忽竄火輪船雨腥鐵甕城中
血風燥金陵塔上煙安得連營屯細柳漫將孤注搏
瀆淵於今盡道和非計當日生民賴保全

漢代曾聞斬白波寶刀磨淬且藏韡繞朝空贈秦人
策斛律聊爲敕勒歌車轍竟能畱幸草汙池終未染
芳荷低徊覽影愁明鏡如此鬚眉奈若何

一朝捧檄到雲臺曾見昆明未劫灰聚首妻孥疑再
世賞心邱壑喜重來方籌碧海鹽堆雪又報黃河浪
走雷

時黃河決口
由海州入海

信是我生多坎壈天時人事兩悠悠

哉

百感中來不自由何堪往事細追搜鄉閭遠隔常縈
夢故舊凋零易惹愁尙爲微名羈苦海安能大藥煉
仙洲從今擬把頭銜換廿四橋邊一醉侯

仲冬致祭陶文毅公祠六十韻

賢達不求名沒世名益揚立功非圖報追慕功益彰
南國思召伯朱邑祀桐鄉德澤湛人深俎豆宜蒸嘗
陶公總節鉞十載勤封疆事業照青史入祀崇

賢良胸浦建專祠民心尤不忘今年秋祭日黃流適
爲殃改期仲冬晦爲公嵩降祥事亡如事存虔禱精

誠將其日大晴霽蕭鼓雜絲簧籩豆既清潔酒果逾

甘香駿奔資多士雍肅趨濟蹕禮成致餘敬觀者神

洋洋憶昔從公來

壬辰四月從公初登雲臺

四月麥隴黃周巡問

民瘼周爰推求詳雲臺縱登眺摘藻諧宮商試行得

良法瘠鹵成豐穰三歲再遊覽

乙未四月從公再登雲臺

旌旆涉

五羊

湖名

題名摩絕壁山海憑蒼茫童叟遮道周香花

捧壺觴拜公如仙佛愛公如耶娘鹽廩高於山東雪

挽連櫓家家飽喫飯雞犬鳴柔桑咸言二百年未有

今蓋藏公心更喜悅大噓鬚髯張閱伍錦屏右校士

石室傍從容畱五日旋節爰啟行自公歸白下余亦

辭胸陽逡巡七八載簿領風塵忙一旦梁木壞千古
心惋傷口碑猶墮淚況陟峴山岡島夷昨蠢動嶺表
恣跳踉克鋒蹂閩越風鶴警吳閩吳淞將星殞海壖
無完塘火輪駛京口飛礮環建康守戍望風潰江淮
齊恐惶議戰旋議撫阻險誰設防蒿目借箸籌何以
禦披猖公昔逢艱鉅控御皆有方革面推置腹攻心
搜智囊若得制鱗介必能馴虎狼嗟予羞馮婦重登
傀儡場跛足行偃仄舞袖衣郎當澤鴻方磬磬何處
求稻粱憂天固堪哂治庖或未遑度支關

國計經費應有常公能創厥始善守循舊章頗奈時

勢易重響咈蜩蟬密網渺遺鱗竭澤將焉望每慮典

謨墜堅冰先履霜厯厯溯疇曩拊髀增徬徨許慎工

著書

石華大令

悲歌同慨慷人生重知己桃李春風堂

淮與

石華皆公門下士

撫時需才傑推念陳

芝楮宮保

與唐

陶山方伯

山川

自今古舉目何蒼涼海潮忽山立浮雲籠大荒萬馬
空中馳鸛鵝隨飄颻浩氣彌六合忠憤宜激昂招魂
歌楚些遠矣驂龍翔

板浦除夕述懷四律

臘鼓襲襲又一年握籌仍是不名錢飲泉食壤蚓而
可朝四暮三狙則然草莽常虞戎隱伏蓬萊易見小

清漣紛紛往事勞追數且泛屠蘇醉眼前

煽海妖烽幸已收隨波還許狎羣鷗新聞幾處巢林
燕舊迹千層踣磨牛那得天災皆合例可知時俗要
同流雲臺亦是神仙宅悔卻從前汗漫遊

藏機莫誤捕蟬琴流水高山共賞音結社有人稱白

梔

時板浦中正青口西壩團練義勇
一千三十名以資守衛居民安堵

救災無術點黃

金

三場貧窶稟請散給義倉穀籽接濟而板
浦鎮饑黎則賴好義紳商捐貲買米撫恤

艱難定

後誇奇策毀譽紛來證道心話到鄉關愁入夢老梅

應放舊園林

除夕前一日有自家來
署者詢悉家鄉近事

大兒歸計覺恩恩卻爲家中憶客中

長男仲冬言歸
計程應已到家

遠道三千應念我明年六十合稱翁當時失馬原非
福何日屠鯨許奏功荏苒華年如逝水暖回寒谷待
春風

癸卯

盆梅

寒香獨對欲忘言培植何時種瓦盆老幹開遲花耐
久新枝蓄早萼尤繁攜來便是移春檻看去還宜愛
日軒用作調羹知有待於今府海盡

天恩

正月二十八日蒙

恩

賞戴藍翎恭紀二首

喜見彈冠慶

頒來鷗尾飄春風生羽翼

湛露仰雲霄食肉謀終鄙飛行路匪遙漢家麟閣上
何必羨金貂

豈有扶搏興雲程九萬翔舉頭心鄭重顧影意飛揚
總翠矜都護拖藍愛吉光長纓如並請海國盡梯航

壽內六十 三月二十五日

白頭相伴慶齊眉遙對春風介壽卮初降便逢三月

養默山房詩藁

卷三十

八

閏

乾隆甲辰閏三月

邇來應信甲辰雌身操井曰歸鄉里

道光

十五年送長女于歸
畱守舊居八年矣

力困鹽車苦絆羈卻累兒曹如

燕雁年年南北互奔馳

長男每春夏來吳省視
秋冬回楚歲以爲常

兩雙兒女各分攜楚樹吳雲望欲迷少共辛勤安布

粟老猶離別阻山溪織黃我自懷中婦鐫白人疑嬾

小妻近事報君應一笑太常雖醉未如泥

五月初八日生第三男志喜

多男則多懼古聖猶固辭三男豈云多所懼遲暮時
吾年今六十先有兩男兒大兒解吟誦耕讀守園池
小兒方七齡終日事頑嬉二女異少長四孫各肩隨

腰腳幸強健奔走身忘疲閑官藏蹇拙亦復何所希
柔帟附枯楊老樹茁瓊芝五月日庚戌昧爽時逢寅
呱呱初墮地盈耳聽吉辭命名寓雙祝偕老喜同之
願兒易長大災難無參差願兒壯多力衰老藉扶持
願兒篤友愛兄弟常怡怡願兒倍聰明學禮兼學詩
吾家世忠厚習俗與時宜不願登高科迂繆言支離
不願位將相出入勞旌麾不願官令牧鞭撻施瘡痍
不願作大賈居積競刀錐富貴招嫉妬謹厚鮮傾危
阿翁老且鈍焉有贏金遺他年兒成立勿笑阿翁癡

夜泊義澤河下

繫纜垂楊宿新淤與岸平水明殘月上船活夜潮生
秋老魚龍睡寒深雁鶩鳴蕭然心澹泊風浪莫相驚

鵲捕蝗

安東道中飛蝗遍野節屆霜清遺孽猶未
盡也河上桑林有鵲喈喈將雛樹顛百十
爲匹蝗來如雨羣鵲飛舞巧啄旁追以食
以哺蝗止不飛鵲飽欲歸吾憫哀鴻之磬
磬烏知蝗鵲之是非爲賦鵲捕蝗一篇

秋氣已深蝗應死蝗胡不死未遺子遺螘滿地如蜂

房

蝗遺螘孽於地皆以尾鑽地成孔深寸餘子如九
草撥一囊九十九子高壤尤多孔如蜂房也

十九子多何傷烏鵲豈有鳳凰德鳳不食蝗鵲竟食
飛蝗畏鵲不畏人鵲見蝗喜人悲辛鄰邑報蝗不害
稼人言賢尹德政化我願盛德修賢尹早禁飛蝗莫
入境

飲酒

男兒重氣節恩怨當分明殺人縱可恕德報亦矯情
我昔少年日抑塞心難平每於杯酒閒掣劍睨鯢鯨
侘傺四十載飲忍常吞聲垂老氣應衰益覺死生輕
始歎魏公子夷門禮侯嬴

重九前一日登寶應城北碧霞閣

預作登高計憑臨眼暫明江雲連海色湖水帶河聲

時河決豫東黃流由洪澤湖分洩江海

結構思前代

閣初於前明萬厯末祀

風光

寓遠情籬花應可摘紅樹顯秋城

夜泊界首

高郵

界首誰分界重湖百里連明珠撐夜月斷雁警霜天
矮屋還成市高隄且泊船去來吾久熟閒步覺悠然

九日秦郵湖上作

湖上登高水四圍野風吹帽趁斜暉怒帆乘利衝波
去幽羽忘機傍渚飛持蟹始知低壤熟看花真與故
園違年年獨醉茱萸酒又作秦郵客未歸

重至金陵作

六朝山勢舊崢嶸何事蒼涼氣不平鐵塔尙存甘露

寺

事見鎮江
破城日記

錦帆仍繞石頭城重圍解去誇鳴鼓棄

甲歸來笑良兵惆悵江千千萬樹蕭蕭閒處作秋聲

重登燕子磯有感

秋風燕子歸何處有客重來感昔遊燕子應隨江水

去秋風偏惹舊時愁龍蟠未肯回牛首虎踞胡爲聳

石頭歎息六朝金粉地可堪蘆荻滿汀洲

與永濟寺僧話

時各寺佛像皆
被映逆焚毀

梵王宮殿生荆棘金碧樓臺剩劫灰便說輪迴因果

報火輪船去莫教回

杪羅樹

永濟寺內

道是蟾宮種根從下土生
婆娑知有意蕭瑟自關情
結子爲靈藥

子如胡桃云可療心氣病

成陰蔽太清棲鸞無爾分

出谷待春鶯

夜泊石城橋

清涼山色隱岩嶢寒月團團上碧霄
無數水禽飛又歇夜深船泊石城橋

六十初度自述畱別胸海併簡許石華國博
六十翁題自壽詩老懷慷慨興淋漓
艱難備苦心如

水澹泊能甘鬢欲絲天補女媧何有恨海填精衛竟
忘疲浮蹤去住皆鴻雪莫對都洲怨別離

羽檄驚從海上來片帆飛觸怒濤開三千勁弩弓難
彊十萬橫磨劍易摧麾下竟成禽鳥散水濱誰弔鶴
蟲哀旁觀拊髀空呼負慚向軍門獻策回

胸浦重來歲月添經營煮海轉吳鹽持籌漫盡鎗銖
利負版先占取舍廉久厭牢騷思養默猶多辨論悔
生嫌河湖潰竭頻爲患倚枕何嘗到黑甜

今年事事總生新喜怒哀歡萃一身時對鵷冠懷猛
士每看龍劍憶材人花飛月暗愁如夢酒熟詩成句

若神極險奇艱都過了有何恩怨未能泯

巢許何曾自買山林泉縱好幾時還官同雞肋偏難
捨路入羊腸更强攀老尙多男焉免累貧猶好客可
能閒故人相介勞杯竿爲道頑翁一味頑

子將月旦最憑公喜到曹瞞我亦同阮籍疏狂稱謹
慎張華博雅在精通歸時舊雨兼今雨去日清風本
素風多少岡陵如頌別伊廬山色鬱青蔥

養默山房詩藁卷三十一

松滋

謝元淮

默卿

眞州集

甲辰

和吳西穀少京兆

清鵬

見贈原韻

篋中寶劍忽怒吼化作黃蛇穿屋走欲斫不斫海霧
昏歸來閒卻屠鯨手江干躑躅豈逃名多迂眞成觸
觸生何意荆山遭棄璞一經拂拭重連城君有奇才
窮幼眇曲高應愁和者少我詩綺靡等蟬鳴抑塞那
得開襟抱竹西歌吹古揚州二分明月懸清秋八萬

二千修月戶吳剛應許廣寒游

再步前韻

狡狴搏象聲乍吼百獸震驚僵且走天生猛鷲軼羣
材惟君具此霹靂手我昔少小慕才名無由把袂慰
平生臯比喜近春風座

先生時主講
樂儀書院

卻對梅花擁百

城以禿迓禿眇迓眇同病誰憐知己少君能容我捫
虱談一吐嶮崎傾積抱天際真人隘九州文章君自
有千秋東山絲竹吾何敢要許追陪杖履游

來詩有
莫便攜

效東山
遊之句

三和前韻

虎嘯焉能當獅吼羣雞望見木雞走君是漢家飛將
軍我遜燕然射雕手昨日謁君始通名登堂早覺春
風生雄邁人誇吳少微嘉謨體親傳詩律屹長城李杜
不作韓蘇眇膏馥沾丐知多少掃盡烟雲露太虛皎
然卿月空中抱眞州低濕類江州不聽琵琶鬢已秋
垂老識君猶未晚從今擬伴赤松游

四和前韻

東頭西頭喘復吼羣誇捷足競奔走先生兀坐獨怡
然笑煞時人好身手先生近患足疾艱於步履陶公不與蓮社名
籃輿合舉有門生偶思巡簷隨所往適情何必問鄉

城雛鳳發聲更清眇雍容對客世已少背誦如流夜
課時知君莞爾散懷抱令孫甫入齡已熟毛詩四君子書見客禮貌如成人君
住杭州我荊州瀟湘可以似西湖秋忽漫相逢俱客裏
等閒不悔出山游

解纜將發五和原韻

塔鈴夜語江湖吼北風斷渡冰夷走扁舟將發未肯
發倚榜和詩牋右手方知見面過聞名毫端定有花
怒生將軍旗鼓從天下欲爲墨守無堅城枯腸冥索
探微眇鬪盡尖叉愧纖小君今下筆妙入神自是靈
珠在胸抱可柰鑾江斗大州頻年蠖處忘春秋臘鼓

蓁蓁催又去新歲好作平山游

和見酬解纜將發之作六疊前韻

曉漏滴徹蒲牢吼起趁東風挂帆走青鳥銜來五色箋
雲章燦爛天機手呶唔豈好章句名還因見獵喜
心生三戰三北氣已餒九攻九拒愁嬰城誤筆成蠅
目非眇自笑從前識字少前詩誤押少韻爲小小巫終怯見大
巫恩遽空將佛腳抱江干雲樹隱瓜州苦詠細若蟲
吟秋詩成欲寄重搔首一篇急就慙史游

和別後見懷七疊前韻

天吳倒卷長風吼注海積波競東走人生會合有別

離障川那得迴瀾手南浦魂消舊有名邦江江水穀
文生萬樹梅花皆繞郭春光先到綠楊城豈謂搜揚
加辱眇楚然空谷足音少君姑妄聽我妄談快意聊
復舒煩惱年來不敢夢刀州只願公田歲有秋種秫
釀酒堪痛飲相期還奉逍遙遊

和古意一首八疊前韻

吼畏雄鴻獅畏吼

見庶物異名疏

物類相制窮飛走走不能

速飛不高何知關鍵在尾手

淮南子走不以手縛手走不能疾飛不以尾屈

尾飛不能遠

事有其實無其名徒薪曲突忘徐生鄼侯功

第曹參右豈在掠地與墮城一目國人貴維眇

郭璞一目

國贊形遊逆
旅所貴維眇
視兩爲多一
非少若逢秋水湛重瞳定
知奔駭相顛抱荒遠虛談五大州
螭蛄遑問春復秋
聞道蓬萊又清淺誰當濯足爲飛遊

和寓言一首九疊前韻

澶淵酣睡鼻雷吼敵騎遙驚返旆走
功成詎免孤注
讒決策終摧補天手跳梁小醜本無名
沸海忽傳烽火生天塹長江竟飛渡
紅旗亂指石頭城事後譏彈
蹇罵眇百步五十爭多少城隅大樹獨無言
應羞影抱誇聲抱
清異錄鵲影抱蝦蟆聲抱
江東富庶冠神州胡爲蕭索
冷於秋黃金不成仙翁逝夢中還侈釣天遊

和再寄一首十疊前韻

忍冷坐忘飢腹吼白眼看人東西走時當歲暮各有
營何事推敲不停手雕蟲難邀世上名飯顆空憐太
瘦生偏師每出君應笑鑽研忙煞小金城硯名見清異錄目
望關河愁眇眇知己得一不爲少流水高山重賞音
焦桐那惜爲君抱東閣詩興憶揚州一日不見如三
秋有志待酬天其許腰纏十萬騎鶴遊

歲除前九日眞州江上望隔岸諸山殘雪

西風爲掃凍雲開已覺江干淑氣回隔岸山濃明霽
雪繞村林瘦表寒梅空憐老大流年換漫喜兒童臘

鼓催多少人家愁歲晚擁鑪應緩發新醅

乙巳

正月五日西穀先生復用前韻見贈依韻答之

爆竹匆匆殷地吼滿街碎踏藥烟走新歲家家尙往來相逢只在一拱手我亦隨俗徧通名名紙何曾有毛生周旋恰類穿珠蟻纔出新城又舊城遲見先生非輕眄長和新詩搜韻少果然郵筒困小奚戢戢束筍看盈抱斷齧四足立九州大言未免疑千秋惟魚知魚水得水此樂何減濠梁遊

上元風雪滿城過訪包慎伯大令於金陵小

倦遊閣歸後卻寄

故人日漸少新知渺難得塵土漲秣陵風雪走城北
深巷冠蓋稀入門喜閒適相離七八載一笑心莫逆
君已臥歸雲吾猶奮往翼出處境雖殊高厚同跼蹐
讀書志聖賢每爲時俗惜豈知千載下所慮非楊墨
青春去不再白首腕空掄冰霰方滿天燈火愁難夕
刮膜銳漫施捫舌錐可刺已矣毋多談歸來重太息

衆綠園雜詠二十首

官閣荒畦強作園栽花薙草避塵喧愛看三面環青

翠怡好中央擁綠軒

園多竹樹因名眾綠
更顏其廳曰擁綠軒

四季花依竹樹濃鋤蔬藝麥破苔封自因生長田家
慣不是偷閒學老農

畢竟寒梅品最高先枝破臘吐亭臯殷勤逗得春如
海獻笑東皇讓杏桃

東風作雨綠初勻姹紫嫣紅次第新爲恐韶華歸去
速牡丹臺畔種長春

鬪艷誇嬌妬尹邢枝枝葉葉總芳馨休嫌古柏無時
態歷盡冰霜未改青

衆鳥營巢各抱雛爭枝日夜苦喧呼就中好惡

如宜字

分辦要別慈烏大嘴烏

鮮魚乍上筍猶肥把酒閒庭對夕暉
領畧江南風景麗雜花生樹亂鶯飛

竹籬苔砌點春光月季薔薇各擅場
芍藥遲開罌粟晚絳桃剛襯白丁香

草草一春序又更花花三月太多情
珍禽信我忘機械飛上高巖自在鳴

荒園易長是蓬蒿幾度刪除未憚勞
憐他紫籬黃成竹放許抽梢節節高

天氣陰晴總不妨假山湖石納風涼
芭蕉雨後舒多

少一夜駢駢綠過牆

華表歸來事已更九峯奇石半蓬荆伶仃一隻揚州

鶴飛到鑾江立月明

仙鶴石本揚州九峯園九峯之一道光庚寅歲購置眾綠園內

樹作屏風竹作帷不關花事與春期蒲蓮丹桂東籬
菊一種芬芳各待時

終歲澆培日日忙一番開落一神傷何如處處栽桃
李花既中看果又嘗

水滿陂塘叫子規蛙聲鼓吹更隨時可堪梧竹無鸞
鳳卻把雕梁借鸚鵡

五月開花直過秋最多情思是紅榴珠蘭茉莉般般

好拋打東風愛繡毬

樂事從心卽有緣幽芳野卉自娟妍牆西一帶垂楊柳也聽吟風六月蟬

朱櫻紫柰共林檎都遜枇杷滿樹金羞殺左纏藤蔓繞轉誇一白誤人心

鳳仙嬌小勝吳娃染惜佳人玉指指蜀客自矜花戚

里

海棠號蜀客葉多者名花戚里

斷腸何事泣秋階

秋海棠一名斷腸花

同城梵塔隔江山長在先生几案閒漫道清閒容易得春花秋月幾人閒

月食

四月十六夜

廣寒高處白雲低何物能將太皓躋仙客豈無修月
斧癡蟆偏有上天梯原知薄蝕尋常過卻訝光明頃
刻迷待掃烟雲清碧落圓輝恰在畫樓西

新竹

纔看犢角破泥羃新喜貓頭漬露濃好雨連朝方潤
玉春雷一夕已成龍聞搜錦籜粘新粉漫對青梢倚
瘦筇從此嫋煙添个个任教篩月印重重

詠象碁

中邊界域兩分明逐利貪功啟鬪爭專閫將軍惟坐
鎮渡河兵卒竟橫行颿車據險方籌策火礮凌空倍

震驚勝負終歸和局好旁觀底事不能平

補題潘越才明經雪中訪古圖

薄宦臨津近一年銅官玉女恣留連
國碑咫尺虛遊屐今日披圖覺惘然

羨君家住好溪山小艇如梭便往還
何事雪中纔一過可知難得是清閒

少子雙壽生甫二十八月能識龍田鳳山春

露秋月等數十字喜而有作

小時了了大何如喜見聰明意暫舒
三賦漫誇盈几字六經應記隔離書
從心所欲聊爲爾繞膝能吟庶

起予休似阿兄空濩落

長男二三歲時亦識翰墨芳菲等百餘字

而翁待

汝振門閭

汪子經

汝式

胡康侯

晉

吳午生

同午

田丹銘

得書

見和前詩依韻再答一首

老大真成百不如生才敢望古蒼舒之無偶識楹閒
帖甲乙思添架上書稚子何心能慰我羣公妙語或
開予從今請益休辭倦星宿探源到尾閭

三疊前韻

浮生每歎意難如偶值歡欣逸氣舒老去心情憐少
子傳來家世指藏書須成重器思諸葛莫使雕牆笑

宰子富貴功名非所望好將詞賦繼三閭

和章疊至四賁前韻

文章誰是馬相如射策爭稱董仲舒黃口幼兒纔問

字白頭詞客爲難書嬌能咏絮兼憐女

小女昭秀五齡能誦毛詩

老更耽詩莫鄙予賁韻者番留勝事他年佳話滿鄉

閭

五疊前韻

早慧深慙我未如翻因赤子笑顏舒新詩共和魚須

句古帖重臨蠆尾書知桂影明方詫客道蓮心苦更

娛子

七月二十二日早起保母方剝蓮子飼兒余問兒何食答云蓮子又問何去其心答云蓮心苦

合家驚笑
衰年得此真堪慰
撫抱從今慶正閏

和邵雲溪貳尹燈引退歸紹興留別原韻

楓梧葉冷雁驚秋
忽聽驪歌暗寫憂
草露功名原自足
瓠防經濟竟誰酬
彈冠貢禹徒私慶
脫幘延之合怒投
從此不勞公府責
故山歸去枕溪流

人閒縱有化溟鵬
那得雲天許上騰
屢見閒鷗翔碧海
曾看異鵲集雕陵
光明霽月尋常見
冷淡清風到處稱
似此襟懷終寂寞
算來公道竟無憑

恨逢君晚去年時
不覺談深日影移
話到同心身矍鑠
詩成得意筆淋漓
繞朝方歎謀無用

見余雜著贅言等編極爲

歎賞賦
詩相贈

曲逆徒傳計出奇翠竹白沙山幾疊隔江遙

對且相怡

月明仙掌歸舟速恰趁秋風剩暑驅贈別梅華猶鄭

重

以素心蠟梅一盆
醇酒二盞留贈

還家松菊肯荒蕪也應開徑延

蘭客定是扶筇課木奴他日山中能念我和詩先博

笑胡盧

題張仲虞

學韶

通守凌山策騎圖

白草黃雲道路難玉門西望遠漫漫君身賴是心腸
熱禁得冰天雪地寒

積粉爲臺玉作樓世閒無此好林邱披圖別有銷魂

在不爲窮荒記勝遊

參天玉筍白嶙峋欲上先愁去路湮獸迹禽聲猶指

誤藏機設筭是何人

凌山卽冰山徑路無恆朝夕更變山有神獸非狼非狐每爲先

路又有神鷹接引凡過山迷徑者晝視獸迹夜聽鷹聲百無一誤

冷日驚風匹馬孤穹天蓋野雪模糊曾經瀚海凌山險九折千盤盡坦途

又題龍沙罔極圖

仲虞隨侍尊公蓮舫河帥遠戍伊犁後扶櫬歸里故

有此圖

慘淡風雲氣龍沙萬里陰烏頭原有白雁足竟無音去國孤臣淚思鄉孝子心蒼蒼安可極展卷漫沈吟

嘯劍吟

衆人囂囂口打賊將軍默坐長太息兩年防堵駐

帳却讓庸奴踞安宅

軍門陳忠愍公化成防堵吳淞口駐在帳中者兩載與士卒同

辛苦嘗太息語予曰賊勢若此我只辦四字賊來則盡力不勝則盡命耳徐州鎮總兵王志元高臥寶山學海書院

日事酣嬉

賊從海來禦以海老謀持重羣議格朝出

一奇暮畫一策幕府秘計外人安能測嗚呼秘計外人誠難測誰爲運籌帷幄者胡亦俚俚徒嘆喑

二十

夷舶來茫茫遠海森樓臺我礮亂發驚虛雷夷舶近採水乘潮歟見隱彼礮一擊愁蘼粉火輪突入黃浦

江上寶繼失夷猖狂游奕雲間窺三泖風鶴自警搖
蘇常關西老將嚴紀律壽春勁旅威名彰再接再厲
氣益振天使葑芳膠餘惶夷船進窺松江適尤提軍
勅帶壽春兵一千抵松營
於城外尤公宿將諸兵機壽卒勇健前戰舟山爲逆
夷所憚嚴陣以待相持二日凡四次開礮遙轟皆遠
不相及我兵俟其礮止亦放銃礮以應之屹不爲動
遂解去又泛火輪船於圓泖欲犯蘇常舟爲葑草所
膠漢姦探知蘇常河道淺狹不能行夷其時吳中尤
舟乃退出遂決策由海口入長江矣
渙散假夷焚掠民驚竄幸不姑息釀內難時蘇松惶
惶紳民四
竄土匪假冒夷鬼乘夜搶掠鄉村
被害尤甚撫軍捕斬十餘人乃止

三

一走再走徐州兵幕府倚賴爲長城崇明噪逐移內

海小沙犄角成連營

徐州兵七百餘名一潰於鎮海

水師不和爲崇兵噪逐乃調赴寶山徐鎮王志元統領駐劄小沙背以爲吳淞犄角號稱勁旅五月

八日妖鯨吼軍門戰歿吳淞口徐兵遁走月浦鎮乘

危搶掠到雞狗

五月八日逆夷進攻吳淞口陳蓮峯軍門督兵力戰礮竭兵潰猶手令旗

獨立海塘上身受銃礮一百二十餘傷始仆地王總兵望風先逃徐兵潰走月浦大肆擄掠鎮民忿怒羣起擊之乃逸去逆夷見海塘無人徐徐登岸寶山亦失若王志元不逃併力救援吳淞陳軍門得助尙可支持不致全退保澄江益無賴轉欲挾賊爲民害澄局敗壞也

江之民號義勇搜橐抽刀標境外

上寶繼失王志元退走江陰時夷船

已入長江破京口逼金陵矣徐兵進踞江陰城大肆滋擾江陰民俗剛勁遂糾衆驅逐先搜弁兵囊橐見金珠甚富多係婦女釵飾蓋擄搶所得也乃以兩人持刀共挾一兵送置縣境外不許復入徐兵奪氣

標境外兵氣奪辛苦掠良民一朝垂空橐拔刀斫地
忽大噪債帥倉皇還仰藥王志元剋和兵餉士卒譁噪聞於大府懼而自裁
嗟哉遲速同一死何如慷慨吳淞弔猿鶴丹青炳耀
麒麟閣

四

定海之敗死者四總兵縣令典史身殉城吳淞之敗
逃者何紛紛仗節獨有陳將軍衆口餘生令強項芒
屨飛行將跳盪總兵副將參遊都守等望風先奔遊擊某着草鞋跳免吁嗟乎

上洋若無楊典史從容誰赴清流死豈止田橫客笑
人地下忠魂寂寞恥獨爲君子江蘇殉難者自提督陳忠愍公外惟上海

典史楊慶恩目擊文武逃散憤急就酒
肆借紙筆通揭大府投入黃浦江死

五

宇宙渾淪何西東品彙萬殊智慮同僕會泛海九萬
里公然犯順真貪凶縱橫鯨窟恣跳浪得志聞越蜚
妖烽偵探狡黠盜有道火輪焰逼鍾山紅夷目僕鼎查狡黠多
智通事嗎喇遜尤極姦猾能作漢語識漢字浙蘇攻
陷皆所主謀其由海口入江先後凡七次偵探確知
無備乃敢深入此僕夷親向華人言者長江天塹限南北千尋鐵鎖垂
脩虹盧循道覆以來數內犯

國初乃有鄭成功神策一戰殲蛇豕至今鼙鼓思元

戎

謂順治十六年江督卽廷佐蘇鎮

梁化鳳開神策門襲破海寇事 鵝鼻圖山誰搯

要坐看颿艇來恩恩兵法上將不羞走金焦慘淡生
悲風君不見道光壬寅夏六月六月十四日揚子江
夜流血

六

養癰殃一身養虎殃四鄰閩浙養癰粵養虎餘殃及

我江南民蠢爾夷黠於狗走則追逐反走

葉鍾進夷情記畧米

利堅常言英夷爲山狗性如稍畏讓
彼必追來一返身相向卽曳尾而去

撲爇安得提彌

明國瘼竟爲華臣咎連帆直達揚子津通

州海門江

陰靖江

虛無人一舶橫塞瓜州口扼吭拊背聲難吞

北來糧艘阻歸次西上鹺艚還遭焚半壁東南援路

絕寇盜四起愁絲焚此地安危繫全局此時機要類
轉軸首鼠何堪持兩端窮山獨坐餒虎肉蜂蠆入懷
解衣逐躡蹢不決螫心腹

七

開創之始防非常滿兵分駐鎮巖疆生聚相依二百
載自應愛敬同梓桑奈何積隙終未洽每因細故爭
短長寔區赤子懷義勇胡分畛域成參商一朝猜忌
激內亂兵民屠戮還自戕君不見海都統孤城竟作
萬人冢

京口都統海凌聞夷船泊京口懼不敢出惟嚴閉各城門不許兵民出入城中米薪俱竭

人心惶惶羣求府縣請暫開納米薪海執不可且謂居民皆漢姦謀盡坑之會青州旗兵調守北門者知

其事因與所住廟中道士善微洩之囑其預避道主
以告人合城譁噪夷乘亂破北門入殺戮最慘旗兵
被害尤衆海亦全家遇禍又不見德將軍置破內向欲洗金陵民

若非大府力持相保護已同玉石崑岡焚

夷逼金陵將軍德珠

布亦開城禁出入又欲拆毀南門橋以斷人行且架
大礮於內城上欲擊外城居民人清陶陶幸總督牛
鏡堂力主開城納柴米鳴呼安得盡撤天下駐防歸
人心乃定城得保全

京國使我豪傑之士慷慨爲國盡其力得爲忠義死
亦得

八

淮南富庶稱揚州腰纏騎鶴仙人遊歌管未終烽燧
起蕪城一賦今古愁夷虜前懲粵東敗貪市竟不爲

民害到處先索贖城銀直以刀兵作買賣夷懲粵東義民之敗

不敢劫掠所破城邑民亦安之惟每攻一城先索贖

城銀與之則止攻鎮江索銀十二萬已許之矣後因

李趙二姓靳不出遂遭屠城之慘揚州亦索三十萬隔江大礮聲震天備安幸

有堆垛錢一紙功成甘露頂賢於下瀨干戈船鎮江陷後

夷酋聲言攻揚州揚人洶洶爭避離務中有勇者首倡贖城議乃聚金三十萬渡江立北固山巔遙示款

狀夷酋視以遠鏡知為書幣遂渡上夷船再三開導竟成款歸真州舊為逋逃藪奸

宄蟠結二百年驅除翻藉外夷力一枝火箭飛赤烟

儀徵老虎頭為巴桿幫及同倖鹽徒蟠踞巢穴互相仇殺恣為地方之患雖屢經搜捕不能盡壬寅六月

夷以火箭燒鹽船併燬岸上房舍各星散募梟為二百餘年盜藪一朝廓清數枝火箭力也

勇絕內患許民殺賊民安全當夷船泊儀時同巴已定黨近萬人大府慮為內

患盡招渠魁數百爲義勇又下令鄉民凡遇匪徒搶劫格殺勿論民心踴躍隨處擒斬一時匪黨幾盡餘孽惶懼綠楊城郭依舊好二分明月光娟妍就募矣

九

岳王力戰檜力和青史南渡遺恨多自古有南卽有北戰未必勝和則那綏柔懷遠四夷守貢市羈縻從古有粵東之撫當在未燬烟土前定海之衅胡爲銓屍剝皮使藉口當時處分欠周密至今餘患記誰某以和紓戰戰乃勝以戰資和和可久君不見澶淵渡河始結盟青城詔止勤王兵

十

儀鳳門外靜海寺前明造建始大璫降檀樑柱傳衆

口三保遠致西南洋

江甯儀鳳門外有靜海寺前明大監王三保所建相傳降香爲

樑檀香爲柱皆自西洋採購也

宦寺威令行海外至今島國名猶彰

何知四百餘年後於此和會飛瑤觴

壬寅八月和議成將軍參贊總

督率各官會夷目僕鼎查等於靜海寺酬酢竟日

梟獍可馴由恩信手還定

海酬身命再還再失勞經營虛驕僨事誰輕進

伊協揆里

布經畧浙江時獲夷目安突德等三十餘人釋不誅

夷酋感激獻還定海安突德臨去時痛哭拜辭誓不

復犯江浙境其後裕大臣謙獲夷人威林士德剝皮

處死夷虜遂以報復爲名復陷定海連陷鎮海甯波

禍延江蘇矣其不攻江甯省城卒

犬羊反復誠難保

兵凶戰危我宜慎趙括已坑長平卒延廣毋挑契丹

贊

十一

平時意氣高千尋呵叱官吏威嚴森指揮軍將勇可
賈見小敵怯偏沈吟朝捉夫船擾鄉曲暮索供帳驚
魚禽縣令仰屋忽大笑流星一騎賢萬金惠泉山下
幽絕處烟塵不到聊披襟夷犯京口時參贊領兵援
鎮者駐丹陽不肯進及聞
鎮江破揚言退保常州日索夫船供應無行意縣令
苦之或爲令謀發一流星報馬急呼曰夷人將犯丹
陽矣參贊促夫船愈急繼又一騎至曰夷兵過丹徒
鎮矣又連至曰前鋒已到辛豐矣參贊大驚不用夫
船連夜退去過常州亦不留
直至無錫惠泉山下駐焉

十二

太言哆口談忠義臨難幾人竟無媿腹負將士貌魁
梧夜奔百里崑山醉從來德孤必有鄰同時海上神
仙吏刀箭叢中有笙歌停杯忽思身後計豫園亭沼
甲江南奇石磊砢花木麗此水澄澈真清流何處更
求乾淨地君不見陳提督五月死節炎暑酷賊退收
殮已兼旬體貌如生英氣肅

十三

明季名將稱俞

虛江戚南塘大猷繼光

正氣練兵垂往則

俞武襄著

正氣堂集戚少保
有練兵實紀等書

臨陣返顧斬愛子軍令森嚴乃無

敵馬謖不免街亭誅諸葛當時豈殘刻

皇朝武功邁萬古魯縞何期強弩格浙蘇戰守屢潰
逃百步五十無媿色吳淞防堵兵盈萬軍門死綏餘
遁匿事定不聞戮一人生者自樂死徒卹黑夷醉舞
遊街衢卻報大捷馳羽檄自廣東掩襲夷館後復有甯波大捷之奏或云火焚夷船於外洋片板不存者或云摸樁殺死夷人無算者實皆無可查考而敗逃將弁轉得升賞潰散兵丁亦未革責一名太平盛世宜寬典有人空爲法令惜

十四

大巧不若拙大智不若愚巧智有時盡愚拙自守常
安舒西洋諸夷誇奇巧察地觀天抉幽眇自鳴鐘表
測時辰不如村嫗意度隨口道夜半生兒雖倉卒揣

量曾未差分秒奈何戰鬪懾虛聲轉畏船礮墮虛狡
逆夷每以船堅礮利恐嚇漢人予前在上海見浙江
所獲夷人鐵礮二各重七百餘斤長僅五六尺尾粗
頸細點放時須以繩繫其後否則轉尾向前如翻筋
斗狀喫藥一二斤其礮口內三四寸薄於礮頸者半
蓋其礮子最大以之封門半在礮口之外燃火轟放
子雖遠擊並未紅透不過墜地而已是以各處所得
夷人礮子重者三四十斤所擊之地並無大損而聞者色動蓋爲虛聲所懾云

堂堂之陣正

正旗一勇能將千僞掃試看粵東義民奮臂一呼集
者皆忠良陣誅伯麥如剗羊義律突圍奔踉蹌乃有

廣州太守擁護使遁藏至今院本傳詞場

廣東有戲目八十餘

同專記英夷犯廣時事

中國之用銀爲寶易之以土銀日少銀貴錢賤官民困賦稅艱難商賈擾點金無術礦山空鼓鑄况復銅坑老民間行使專賴錢近聞盤剝更機巧買錢論斤不論緡盡收官板洪鑪分化錢作銅銅更貴展轉出入還多銀夷以鴉片烟土易我中國之銀以致銀少昂貴賦稅艱難商賈折閱官民交受其累民間行使尙賴錢文近聞夷人又以銀收錢每銀一兩易錢十二斤市價兩銀易錢二千餘文今以斤計大錢一千五六百文卽重十二斤民爭趨利盡選制錢賣與夷得錢後隨卽鎔化作銅轉賣與民每斤銀一錢五分市銅價每斤值銀二三錢今只半銷毀制價民又爭買之一出一入夷已獲利一倍矣

錢國有禁法令不及西洋人銀去錢銷坐束手夷人日富民日貧截斷橫流豈無策愚者言之智者擇鈔

幣古法不肯行毫末紛紛議得失

前著鈔貫說專爲補救銀少錢賤之

弊雖非經國鴻猷實一時救急捷法已得上邀乙覽矣卒爲浮議所格然欲截外夷蠹耗之害非行鈔法不可

十六

耶蘇造天稱天主亞當爲男尼襪女謂從無元肇有

元荒唐敢作欺人語

李祖白天學傳概天主耶蘇像手執一圓象乃天也天不能自

造必有造之者耶蘇從實無造實有先造無量數天神無形之體次及造人其造人也必先造天地品彙諸物以爲覆載安養之需故先造天地造飛走鱗介種植諸物乃始造人男女各一男名亞當女名尼襪以爲人類初祖天爲有始天主爲無始有始生於無始故稱天主焉又西夷福音書言天地劫毀天主重造人物之事計自開闢至今將六千餘年自耶蘇降生一千八百三十餘年言皆妄誕

人生長

養天地內安能天外事直補試問未造天地先耶蘇

置身更何所景教傳始貞觀年

景教流傳中國碑唐貞觀十二年長安義

甯坊建大秦寺度僧二十一人即天主教入中國之始

祇神誘惑甚妖蠱

聖明驅逐誠快舉胡爲弛禁撤樊圃

道光二十四年廣督耆英奏請

各省復立天主堂蔓延愈不可制矣

從此逋逃增黨與吾行跼躅困荆

莽擊劍嘯歌聲激楚

丙午

元日詠雪

喜見豐年瑞春風釀太和撒鹽雖可擬飛絮不宜多

白擅吾宗賦

宋書大明五年戊午元旦雪降殿庭時右衛將軍謝莊下殿雪集衣邊白上以

爲瑞於是公卿
併作花雪詩
誰賡郢客歌
富真天雨玉銀礫滿山
河

又成一首

聞道元正雪占宜百穀豐

舊唐書長壽二年元旦大雪上謂羣臣曰元日雪百

穀豐此語有何故實文曰左丞姚壽對曰汜勝之書云雪是五穀之精以其汁和種則年穀大穰
斯
言傳古諺爲瑞與今同應共梅花賞思儲木屑功好
憑椒酒祝生意已潛融

四月朔日衆綠園牡丹盛開招同汪子經胡

康侯吳午生周檣仙

織文

暨汪鳳笙

元照

胡偉卿

衛清

吳仲清

承澤

置酒花前聽歌

碎金新詞諸君皆有詩依韻和之

雨積春陰待閏遲清和月正艷陽時酒逢大戶關佳

醞是日出家

歌對名花愧小詞洛下交遊寶亦主樊

川學業父爲師

汪吳胡三君俱攜文郎授經於此

東山絲竹非吾事

聊步松陵白石詩

東園消暑和蒞林中丞韻

偶緣消暑惜餘芳又見新鶯乳燕忙杖履重陪人愈

健園亭三到日方長

公詩自注東園遊今三次是日適逢夏至

漫言貢市

迥殊域應念林泉阻樂鄉

中丞家長樂以莢夷通市不得安其居淮家松滋亦

有三國時陸抗所築樂鄉城也

幸得羣公同話舊

時鄒公眉觀察吳燕生郡伯鍾挹雲

童石塘兩太守許小琴分不須瑤草贈青堂
司在座皆中丞舊識也

但雲湖都轉招同鄒公眉吳漢生范吾山鍾
挹雲童石塘許小琴陪蒞林中丞重遊東
園再疊前韻

爲愛芙蓉殿晚芳冰心不作熱中忙攜來竹裏行厨
便引得花間酒杓長

盛世絃歌真樂土化疆棠蔕亦仙鄉何知羽檄籌防
後接席聯吟又此堂
道光壬寅夏公引疾歸閩因夷匪道梗暫寓維揚時雲湖都轉方籌江北防堵隔江烽燧相望蓋自夷舶退後迄今已五閱星霜矣

吳漢生太守招同鍾挹雲童石塘許小琴熊

竹村楊雪峰陪蒞林中丞暨哲嗣敬叔孝

廉譙集平山堂三疊前韻

雨後郊原草木芳
荒村五月始農忙
平看山色峩峩
遠靜聽江聲
緜緜長千古
名賢追慶歷
三吳遺愛比
桐鄉未嫌方外狂
司馬爛醉清風太守堂
中丞飲量極宏准與
鍾挹雲勉力奉陪
積然徑醉矣

閏端陽日邀石塘竹村陪蒞林中丞遊桃花

菴觀龍舟於小金山四疊前韻

酒借仙萼釀碧芳
小秦淮水畫燒忙
龍舟錦奪端陽
潤螢苑棋消夏日長
公善奕
明月歌殘楊柳岸
野風吹

徧藕花鄉斯遊不減金山樂詩禮從容共一堂

謂敬叔孝

廉

許小琴邀陪蒞林中丞同吳蕙生童石塘熊

竹村楊雪峰讌集包松溪棣園五疊前韻

邗上名園冠眾芳一春都爲看花忙入門已覺蟬聲

靜隔院先聞鶴唳長

園畜二鶴

天地放懷同逆旅亭池何

意似家鄉當時自詫方壺陋

園於小方壺

國初屬陳氏號繼歸黃中翰爲

駐春園又歸洪修撰名小盤洲今屬包氏改稱棣園

五架三間舊草堂

竹間精舍有額

曰五架三間舊草堂王百穀筆也

述感一首和吳西穀少京兆

天地生財無中外府海之利有疆界吳人不許食
鹽飛雪連檣楚船載小民利重身命輕甘冒惡名死
無悔肩挑背負捍羅網大編戔戔隱夾帶百錢買鹽
不盈斤攪雜土泥味無味整輪扳價還緝私短垣孰
踰吁可怪牛毛密網竭魚蝦却漏吞舟掉尾大情法
失措詎有此島夷竊笑尤狡獪熬波出素泛海來轉
運滬濱交官賣

厲茶心太守

同勲

還珠再見圖

有序

道光丙申秋合浦產珠徧海父老驚喜謂
爲數百年所罕見咸歸美太守時茶心守

廉州不自以爲功時人因寫還珠再見圖
以紀其實

明珠生海底盛衰亦何常合浦業採珠衣食等農桑
珠去民苦飢珠還民悅康珠豈有趨避所感惟賢良
在昔漢太守清白稱孟嘗去珠復來歸青史掄芬芳
何幸千載下清潔遙相望鍾離不拜賜賈胡剖腹藏
貪廉自有別薏苡讒何傷試問合浦人媚川應蘊光

題朱璞山

守中

東海投竿圖

東海狂鯨浪隱天天吳海若盡茫然當時不遇任公
子縱欲投竿何處邊

網罟層層集萬舸蟹奴魚婢豈容逃可堪空殺屠鯨
手坐看滄波舞巨鼈

題僧銘初行程日記後

我喜遊山非拜佛君因拜佛始遊山從知五岳歸方
寸萬里勞勞費往還

朝遊泰岱暮蠶叢海島飛仙却御風步步行來皆實
地如何說法總談空

行程一卷向風開無以奇峰入眼來萬水千山行不
了打包人已倦遊回

方外眞州得二釋一尹本善一銘初船田資福皆鄰

近聽誦楞嚴聽讀書

船田菴主僧
本善亦能詩

題包松溪

良訓

棣園圖後步劉淳齋觀察

錫

韻
原韻

城市胡然湧丹壑棟宇璀璨霞光霍
峯嶸疑夸娥擁瓊瓏石謝混沌鑿苔
逕曲屈境幽邃畫圖天展奇駁
翠韞緋英繞迴廊祥雲霽霧迷
複閣邗上園亭甲海內珠簾翠幌
交相錯對山秋玉締造新便靜未
可斯園角明月清風兩無價南垣
石濤手親拓玉蕊仙姝賞瓊葩
金帶貴客簪紅藥扶桑莫駐羲和
馭暖谷又回陽春脚當時觴詠盛
主賓揮灑文翰新如昨

嘉慶甲子春園屬洪氏時劉淳齋首唱七古一
印渚長齡劉松嵐大觀鄭東亭宗彝繼和之詩存圖
中四十年來景不殊吹笙誰記緱嶺鶴惟有苑梅守
歲寒依然含笑對江郭松溪居士雅好古芳蘭自絜
南陔樂春秋佳日足清娛高會有時續襖洛表揚先
輩出篋笥補圖分韻寓深託佶曲餽君勿嗤相期
辭倒花間杓

和蔭林中丞慕園雅集圖原韻

有序

丙午仲夏蔭林中丞過蘇州朱蘭坡學士

珩

高芾堂觀察

翔麟

董琴南觀察

國華

同

集慕園蘭坡用壬寅唱和詩韻首成二律

中丞繼之同集諸公皆屬和繪圖以紀

錦里何堪滿棘荆
扁舟遠泛倍牽情
烟霞欲老韓忠獻
壘塊難消阮步兵
召伯棠原自好
淮王雞犬那無驚
漢家青史和我後
天柱東南竟未傾

慕園應勝近山林

近山林在滄浪亭

竹石亭臺匪自今
欣得

主人能咏嘯

慕園今屬琴南

不教過客感升沈
傳家各有千

秋業

中丞著述等身蘭坡近輯鈔琴南亦刊蛾術編且各有專集

國朝文報

報

國同懷一寸忱
我是江南閒散吏
披圖惜未與登臨

大雪

冬早野草枯
麥田望霰雪
匪獨潤焦壤
兼弭蚰蝻蟻

祈禱初無應纖纖露微月昨日北風峭冷氣噤寒咽
飛絮忽紛紛迴空舞颺瞥粘袖呵欲化鋪苔瑩更澌
我非熱中人摩揩醉眼纈兩日鑒玉戲霏霏竟未歇
十二月二十三兩日大雪深二尺餘 一白沙江海天地同皎潔琪樹

垂瑤柱崑嶺滿瓊屑高卑一抹平何處有坑缺修竹
亦偃偻古松凍已折摧拉愈倔强後凋斯勁節呼童
攜杖來用以扶兀跪拂條撲積瑛甫墜旋凝結不有
莫安以何堪蘇武齧爲瑞未宜多其可災惇子今茲
屬嘉平歲逼生計拙天池谷疏浚時方挑浚役夫龜
手血萬口飢嗷嗷如蟄盼啟穴黍谷春速回翔陽耀

銀闕定有謳歌聲鼓腹聽歡悅

題竟陵鍾氏畫冊 有敘

荏林中丞藏竟陵鍾伯敬畫冊二十六幅
前有伯敬自書小記曰庚申秋冬予在白
門病困口不能言與食足不能行身不能
眠而獨能持筆作畫作畫則反不知病其
誰使之五弟快曰兄蓋以畫爲藥耳因念
漢元帝命王褒等以文字爲東宮娛病不
爲無故病起反不能作所謂病愈藥止也
予所畫凡十小幅時舉家憂惶五弟素好

作畫內人吳氏喜畫蘭皆久不言筆墨矣
予病起時一作蘭八種一作山水十種益
之吾聞再生舉酒相賀斯又以畫爲酒也
欲裝一冊志痛定之思忽忽失去天啟辛
酉冬予遷閩督學暫歸邇裝得之敗簾中
絹墨不屬如數百年物裱而存之以授姪
昭夏壬戌二月初到家再出展視題此按
所記應有二十八小幅今快畫失二幅二
鍾畫俱有隱秀軒圖記吳夫人有宜男小
印又有小字阿嬌印翁覃溪先生題七古

一章中承自題四絕句併屬余和考有明
一代楚人之以詩鳴者鍾譚首推壇坫而
後生抨擊吹求亦復不遺餘力譽者未免
過崇毀者實爲太甚僕楚人也謬學爲詩
於古人著作遇愜意者回環諷誦卽不愜
者亦不敢妄加訾議置之而已今於題畫
詩中牽連及之或亦平情之論歟

竟陵以詩鳴詩偏遭世訾偶然作畫幅畫乃爲人喜
未知訾喜間究竟誰知已有明宏嘉際風雅稍頽靡
旗鼓競雄豪何李暨王李標榜互推崇前後廣七子

開口誇盛唐宋元卑卑視四肢腫且僵濶步高舉趾
聲調技已末模範識尤鄙餘波流至今喧爭迄未止
鍾譚生當日救偏矯詼詭魚麗整以暇壩雲集衆矢
千古郢中歌陽春雜下里一夫首發難羣咻肆萋毀
余亦荆楚人學詩庭趨鯉本自無所得未敢輕比擬
人各有性情亦各有其是何能強同之優孟衣金紫
譬如鳳與鶴鳴聲皆悅耳謂鶴不如鳳欲鳳與鶴似
賦予屬天籟豈能順人指不問首製冠不知足爲履
得者人自私市肆何彼此事有在詩外人有在詩裏
三百誦葩經一言蔽厥旨文章秉公論固非袒桑梓

嗟茲絹數幅幽蘭兼山水第五擅高名綵鸞亦畫史
爲酒復爲藥微言實至理裝池付流傳一門真具美
梁公今碩儒收藏富莫比才名驚海內脫手貴洛紙
自寫幼婦詞命展雕蟲技楚客歌楚風激昂不自揣
題畫忽論詩放筆忘所以商也始起予公應笑莞爾

雪夜對月

月色晴偏好園亭雪後奇玉山明兔魄銀海耀蛾眉
老樹橫疏影寒禽守凍枝此時最清絕更漏聽遲遲

過船田菴

儀徵西門外

水繞田田如船中有精舍名船田非船非田亦非

菴老僧自住荒江邊眞州西郭二里外茂林修竹青
蔚然短笈夜懸不許渡人隔壺嶠疑飛仙我苦塵喧
喜幽闌公餘偶過聊隨緣一花一石一亭沼愜意處
處皆留連塵芳榮園

皆眞州名園

競華麗何似茅屋常安

眠菜壠鋤雲春漠漠荷渠蕩月秋娟娟眼前景物俱
悟境焉用饒舌談虛禪山田苦旱圩田熟高低勢異
難兩全香稻炊飯秣釀酒客來醉飽無愚賢在家出
家有何別但解觴詠堪忘年作詩寄僧僧應笑淮南
早賦招隱篇

丁未

題謙谷上人梯山航海圖

圖爲周保緒寫送謙谷往遊定海普陀

陀也

梯山莫梯海中山山都在縹緲閒航海須航太平

海海水溶溶青不改

太平海在赤道南彌利堅之西墨利加洲之東最大中有七千

四百四十島亙古至今無風浪之險淺處生草一望如林蔥蒨可愛

大千竟有三普陀

欲從何處觀自在

釋典言普陀有三一在南印度名補落伽山山頂有池池側有石天

宮爲菩薩往來遊舍處一在西藏布達拉山爲菩薩

出身處一在浙江定海縣海中爲善才第二十八叅

菩薩說法處惟南印度金山退衲靜者便昔曾功苦

最古西藏定海皆後出

參金仙穿雲踏破雙不借狎浪還登大願船瓶鉢垂

垂無著處遊跡思藉丹青傳陽羨周子抱奇氣吟詩

華創總餘事偶然寫作山海圖毫端墨外皆神意我

未展視重歎息此遊此畫難再得君不見道光辛丑

壬寅年火輪夷舶馳飛煙公然遠涉七萬里繞地一

匝來寇邊定海普陀忒殘破塔象摧燬無人憐更聞

西天五印度其三已爲嘆夷據東南西北中五印度國其東南中三國久

屬嘆夷惟西北二印度僅能自存補落伽山石天宮可堪般若遊行

處孟加臘與後藏鄰孟加臘即明呀喇北界西藏本東印度部落今屬英吉利又

擬和市爲通津嘆酋近又致書駐藏大臣請立馬頭於後藏大劫佛應難

自救流離況我區中民昨聞建議開祆廟神霄不待

玉皇詔乾坤何地是安居滿目風煙供一嘯焉得鞭

山塞海具神通洗滌荒島鱗介爲沙蟲沐日浴月扶
桑東萬國重譯來趨風功成歸臥空山中何必梯航
遠逐鷗與鴻

題蔣笙咳閣學

立鏞

金貂踏雪遺照

飛雲集瑞滿瑤天倬直從容出

講筵前世定爲香案吏

閣學著香案集一卷

此身真是玉堂仙

袍披李白才無敵韉沒韋斌意轉虔不數梁時裴子
野新詩爭和早朝篇

父大司成子狀元探花郎又屬文孫詞林盛事推三

楚科第嘉祥萃一門

閣學尊人丹林先生乾隆庚戌翰林嘉慶辛未適官祭酒閣學

以第一人及第故事新進士釋褐成均大司成親爲
遞酒簪花方行此禮時子拜父坐一時傳爲佳話因
學長君譽侯道光癸巳以第三人及第祖孫
父子三世翰苑同時在朝尤爲近代希有
我昔京
華勞枉顧君今奕葉荷

殊恩何知薄宦淮南客艤棹披圖更細論

時譽侯於揚州舟次

出圖索詩

攜次子雲生遊金山

晨發白沙浦天寒江活活一帆劃曉煙兩涯時隱豁
午達浮玉渚金碧湧截薛繫纜垂楊根意興遽飛越
茲山屢遊眺捫厯舊蘿葛所嗟妖氛後慘淡山氣奪
緬懷韓與虞於此奮撻伐稚子黃犢健先趨笑撻躑

遇境苦追詢瑣瑣厭喧聒既登浮圖頂縱目失浩濶
滄桑竟非虛消長孰能遏遐哉郭公墓爲陸眞咄咄
郭璞墓今已山僧意殷勤導引雲霞撥贈我中冷水
一飲滌煩渴去去勿遲留焦巖翠可掇

金山放舟至焦山日暮不及登

焦山青團圞入望意先肯挂席趨風利到山只俄頃
紅霞綺滿江夕日增麗景蠟屐聊暫息快心戒重逞
勝境待明晨一一心徐領艤棹山之麓水風終夜警
風水徹夜有聲又值回空糧艘泊此水手騷擾滿山兼有窺伺者

次日遊焦山

旭日生海東稚子先驚曉褰帷苦相催登山須及早
披衣起盥沐相將入煙篠琳宮煥巍峩瓣香復何禱
辛苦逾花甲衰庸畏機巧不惜去日多所惜來日少
安得請尙方殘賊盡誅掃嗟余避塵俗來此事幽討
俯仰隨時賢應被山靈惱筇屐雖屢過去來恆草草
思欲留三宿從容探竅窾奈此梟悍徒踐踏恣紛擾
約束豈無策坐視狂瀾倒長嘯兩峰間睥睨天地小
卻喜湯休逢詩卷江月皎

寺僧月輝爲借菴
法嗣能詩善畫

送我焦

公洞歸舟沂縹緲

登北固山遊甘露寺

金山峙江西焦山峙江東居中兩控馭北固當其衝
潮枯沙路出江低山益崇鎖鑰鎮北府英概稱吾宗
豈知千載下書幣此和戎山僧導我遊指點梵王宮
昔爲鬼子據焚掠經像空壬寅六月逆夷踞此藏經
俱遭焚棄十八阿難亦被
摧獨有鐵浮圖孤立表神功山巔有唐時李衛公九
級鐵塔逆夷以數百人
曳之屹不動賴茲強人意爲振華夏風我聞再拜跪肅然
起敬恭一柱撐頽雲氣象今猶雄試聽嗚咽水日夜
流無窮

六十四初度感賦

垂老值生辰以喜復以懼喜者來日來懼者去已去

貧賤悔戚戚老大復多慮百歲縱可期終鮮閒道趣
自信頗灑脫菀枯安所遇幸此筋力强猶誇濟勝具
冬晴山色佳良時忍虛度乘興且孤往泛泛隨鷗鷺
波浪無時閒漁火明北固似聞塔鈴語明日當斷渡
艤榜楊柳灣酒醒更何處

雪夜步月衆綠園

冉冉歲云暮園亭還夜行瓦溝明殘雪凍月光逾清
棲鴉聚叢薄露宿渾不驚信無彈射謀相習應忘情
兩儀竟閉塞衆綠何時榮墻角紅梅花一枝喜含英
廣寒高耐冷素影當窗明

復雪

前雪積未消遲遲如有待後雪飄然至一白併銀海
遠岫合瑤屏高簷垂珠琲舞絮猶紛紛堆玉更璀璨
羈客倚裝歎歸舟纜莫解已符等伴約霽雪不消俗謂等伴互
寒將無乃急景值凋年貧難苦尤倍牛衣泣襦袴瑣
屑愁醺醺十日不放晴打頭茅屋矮狐白焉知寒珍
饒焉知餒笙歌黨家姬擁醉歡未怠嗟余職飛雪勢
伏動多悔訪戴興豈虛擒吳志空在何時轉陽和搔
首問眞宰

廬陵王氏兩世孝子詩

並叙

廬陵王孝子

光昇

四歲喪母見遺衣輒泣

父爲匿之稍長能得繼母心年十三父又
歿孝子乃輟儒力養繼母性嚴急稍失意
卽長跪請杖俟色愉乃起幼弟繼母所出
也弟有過輒與同跪引爲己責弟賴以有
成繼母病每夜爲理衾拭枕退立窗外潛
聽母無呻吟聲睡熟始去一夕常數起繼
母每曰吾兒已二毛矣猶親執煩猥役如
此非特我子直我女耳居繼母喪哀毀過
禮年六十九卒子殿墀天性純篤幼得祖

母歡呼爲孝童初讀論語至父母惟其疾
之憂瞿然問師曰父母疾誰憂之乎歸必
問安定省無間父病私禱願減算益父壽
又爲母吮疽及父母卒廬墓三年一夕有
虎咆哮至墓側睨孝子哭意甚馴久之去
有盜誤入廬見孝子方跪誦孝經驚曰王
孝子也感愧而去所持枯桐杖插墓所忽
萌芽成枿廬前後素乏水忽山麓甘泉自
湧至今呼爲孝子泉云乾隆乙未補諸生
旋食餽於庠年五十三卒後以子

贈芳貴

贈兩孝子皆如其官

天地有至性常萃忠孝門明德毓賢達惟孝子順孫
廬陵王孝子孺慕天性惇失恃甫四齡衣履濡啼痕
十三嚴父歿繼母依晨昏負米事色養泣杖聲屢吞
孝子如孝女卒感慈母恩有兒紹先志重使薄俗敦
隨父侍祖母髻鬢如成人父母惟疾憂誰憂父母身
讀書發深省至理推天倫枯桐可生枝甘泉可無源
盜賊那不愧猛虎猶知馴子復爲孝子濟美揚清芬
嗟彼勞瘁者誰無父母親甘旨貧缺奉風木倏悲辛
欲養親不在富貴復何論展讀兩孝傳感歎涕沾巾

青鐙課兒圖爲王霞九觀察 贈芳題

廬陵有賢母在昔傳歐陽晝荻遺前徽同此青鐙光
阿母坐辟繡兩兒讀母傍書聲雜車聲琅琅夜未央
兒誦偶生澀母淚紛成行謂兒早孤露世業惟青箱
父書不能讀恐貽先人傷欲扑復自止飲泣還相將
一朝兒榮貴壽母奉瑤觴冠帔何燦爛彤管摘芬芳
阿母應喜悅何意轉傍徨吁嗟慈母恩天地同久長
儒臣忠報

國豈獨恃文章乃推母心志潛德思褒揚流澤及吾
楚節孝咸表彰只今琅嬛冊一一姓名香

觀察督學
湖北時輯

有楚北
詩孝錄

先德方未艾後嗣其益昌披圖憶兒時短檠

何敢忘

戊申

卽事

冷暑清閒睡起遲菊殘梅放又經時生平久負名賢

望老大翻從孺子嬉

小兒輩每夕以鉦鼓相隨爲戲

豈有新詞廣白

石漫勞歌板趁紅兒

維揚女史曹素琴能歌余茭荷香念奴嬌等詞

躉言警

世官何補莫道人猜亦自嗤

題喻子勻

均

鑾江再渡圖

薄宦眞州近十年江頭閱盡往來船風帆去住何曾

管卻爲君廣再渡篇

莫訝相逢任率真胸中自釀太和春肯分修脯存孤

孺如此襟懷有幾人

今歲水災君首捐束修百五十緡收養慈幼堂童孺

淥水紅蓮分外香主賓膠漆越尋常謳歌善政寬兼
猛多少恩慈出贊襄

扁舟穩渡自安閒南北青青兩岸山江上清風天上
月照君歸去送君還

博山雅集圖爲袁竹畦少府

起作有序

道光丁酉秋九月兩江制府安化陶文毅
公置酒石頭城西博山園之餘霞閣園在

山巔卽恭摹

御筆印心石屋處也招集賓從歡讌竟日時巡撫江

夏陳芝楣宮保以監臨鄉試駐金陵亦與

焉同會者九人涇包慎伯世臣婺源齊梅

麓彥槐陽湖湯雨生貽汾無錫顧竹碕蕙

生元和黃穀原均歙程蕉雲川佑錢塘袁

竹畦起也陶陳兩公先有詩諸君皆繼和

湯黃顧袁俱精繪事合寫一圖慎伯爲之

記迄今十有二年矣兩公久歸道山梅麓

亦下世慎伯雨生倦寓白門舊雨晨星不

堪回首今年冬竹畦來尉眞州出圖索詩
淮於二公受知最深屢邀剡薦舉主義同
座主覽圖神溯不勝今昔之感爰追同梅
麓所用東坡烟江疊嶂圖詩韻題以歸之
時道光戊申十一月也

博山突兀城西邊形若鑪鼎藏雲烟俯臨埤堦搃衆
岫中隱樓閣深蔚然陶公昔督兩江日入覲

天語詢林泉臣心印石作柱石親灑

宸翰龍騰川磨崖紀

恩徧吳楚貞石深刻茲山前山光水色足遊眺賓客

雅集秋涼天兩公詩筆馥敏捷揮毫四座驚瓌妍湯

黃袁顧擅墨妙亦如石谷推南田

王石谷憚南田二每多合寫山水

圖一記誦萬口時在道光丁酉年烏蟾忽忽終星紀

嶺上竹樹猶便娟所嗟騎箕太局促三見馬鬣封牛

眠

陶陳二公相繼卒梅麓亦去世

萍蓬聚散那可定寓公喜有雙雕

仙

謂慎伯雨生

披圖不覺重歎息感懷知遇思前緣羊曇

倘過西州路華屋休詠篴篥篇

題竹畦尊人小香先生山水遺墨

隨園主風雅馳騁乾隆中空靈掃鈍積一代稱宗工
迄今五十年作者欽餘風誰知丹青妙傳家亦靈通

已失仍來歸珠還符楚弓君固重先迹健筆摩鴻濛
某山復某水恍然凝吾胸幾疑平生遊曾此植吟筇
君畫守家法淡遠荆關同贈我山水障斗室雲氣充
此事又推袁繼美傳江東題詩附卷尾用以宣德衷
已酉

二月朔日食陰雨

炎精曜暘谷萬古光曛曛薄蝕有常度未必爲災凶
春秋正義日月之會自有常數每一百七十三日有餘日月之道一交則日月必食修省盡人

事誠意應感通共見復共仰何損於高穹陰雨偶蔽

虧稱賀眞誣蒙

唐開元二年二月庚寅朔太史奏太
陽應虧不虧姚崇表賀請書之史

讜言凜夫戒吾憶司馬公

宋史嘉祐六年六月朔日食當六分之半食四分而

雨時議稱賀司馬光上言日之所照周徧華夷雲之所蔽至爲近狹雖京師不見四方必有見者此乃天戒至深也若羣臣相率稱賀豈非上下相蒙誣罔天譴哉

素心蘭

豈有微蘭瑞亭亭玉茁階素心應我共竟體欲誰偕

室邇朋交合庭珍子弟佳小窗相對處芬馥皎瓊懷

陸雲九愍蘭情馥以
芬香瓊懷皎其如玉

二月十九日生第五孫志喜

作喜春寒霽芳蘭吐秀時

盆中素蘭一花挺秀

門高思祖德樹

老賴孫枝契夢維摩詠

法苑珠林永明七年二月十日司徒竟陵文宣王夢於

佛前詠維摩一契 雲瞻大士慈 是日為觀音誕辰 祈年先一日 東坡十八

羅漢頌跋於南海得十八羅漢像以授子由遇生日輒設供以祈年壽 翻覺小蘇遲子

由以二月二十日生

周溫甫 光輔 烟波泛棹圖

展君圖畫意先馳如此溪山信有之萬頃烟波浮一

棹錦囊添著幾篇詩

澧水松山綠作圍水山深處有荆扉故鄉無限烟波

好拋撇年年未得歸

樊五橋蝶蘭圖

只聞蝴蝶戀花枝今見花枝化蝶奇是蝶是花渾莫

辨丹青寫出索題詩

托根空谷比蓬蒿栩栩何爲入夢勞
花是國香人國士相看雅稱讀莊騷

書喻子勻眞州水災紀事詩後

去年江水災時在六月初春麥旣收穫升斗存私儲
八月大圩破所損田業租江浙幸豐熟轉徙民氣蘇
官賑兼義賑惠養活妻孥收蓄及耕牛野草榮寒墟
天心愛赤子高壤富儲糈所以少流亡仍守田園居
今年災意外河伯驕天吳秧苗爛久死春糧望又虛
陰雨天大漏潮汐灌山渠今水較前水高漲三尺餘

今人問舊人十室九江湖愚民殉目見抵死戀茅廬
全家聚屋脊漂搖隨波趨長繩互結挽生死期提扶
日夜立水中股腫蟲生膚有釜炊無地有米薪無芻
濱江尤慘惻有土有人俱孤埂一線危岬沒徒驚呼
大劫天不救浮屍多於魚賴有鄉黨賢哀鳴拯鴻臚
揚州捐銀十萬兩設十局撫恤蓬棲免露宿粥飲充饑餬高郵有四
壩洪澤資尾閭官隄築不堅以壩爲機樞啟放雖有

誌得守師前模

道光八年奏定運河水長至一丈二尺八寸啟放車邏壩一丈三尺二寸

啟南關大壩一丈三尺六寸啟五里中壩一丈四尺
啟南關新壩道光十二年會勘詳定總以七月申旬
爲度以後則遵照定誌以前仍以水至一丈四尺先
啟車邏再長四寸三壩以次遞啟近聞汛弁私打誌

捐入土者一二尺已非水誌定制且大憲近有得守
且守不可以敢壩爲保堤之計遂置下河州縣田賦
民命於不萬人臥壩上令箭來脅驅鎗礮儼大敵其
問之檄

以民爲屠小民不畏死於法豈盡誅牧令請民命未
可嗤其迂今茲全吳荒所剩此一隅早稻收成速穰

種秋滿車止爭十日耳何妨緩斯須

下河九邑早稻有急猴子秋前

五秋後五

更聞江廣皖吳越災咸符建業舟入城漢

口魚游衢斗米錢六百舸舸禁轉輸眞州彈丸土其

人雜鹽徒高郵壩啟放下河爲災區稷稻付波濤老

弱來郊郭

合計下河各州縣秋收所入可得稻三鹽

場蕩汨盡禹筭同歸無未知從此後何以安逃遁

皇仁徧宇內膏澤滋朽枯河防與民生詎可分兩途
安得海潮消南風日徐徐一吹散癘疫再吹多黍稌
流亡歸鄉里飽食歌烏烏有願力不逮高坐空歛歔
讀君紀災詩一字一踟躕賢尹難再得謂王子涵司馬上年眞州
辦災事大患孰能祛蒼蒼高莫極奄忽雲影逾舉頭望
卿雲低頭淚連珠

題湯子卿

用中

紉秋圖

君採幽蘭我採芝三山九畹各矜奇

子昨以東山採芝圖索君題

素心知有同心處看繞階前玉樹枝

瓊蕊雙雙喜並頭過江桃葉繼風流宵來定有徵蘭

恰好銀河渡女牛

圖成七夕適新納筵室自蘭陵來刊上

生

山東

妙手解傳神不比尋常漫寫真痛飲讀

騷花亦笑於今紉佩更何人

雲臺山色翠流光中有芳蘭似澧湘君到青峯高頂

去舊時遊屐尙餘香

時子卿將赴海州臨興場大使任

揚子舟中讀蔣純甫秀才

敦復

駿伽山人詩

集題後

手把駿伽一卷詩天風浩浩片帆馳大江南北山無數比似胸中磊落奇

當年老友毛生甫吳下論詩愜素心海上多才真不

世於今繼起有知音

道光辛卯秋晤生甫於蘇州出詩藁見示喜其鉤深造險遠法

山谷生甫亦寶山人與君同里今讀此集正堪嗣響也

答蔣純甫

會習浮屠號鐵岸

受材雄鷲世無雙
百斛龍文筆可扛
修慧舊傳蘇玉局
苦吟今見賈長江
新詞入妙緣
禪悟逸氣排空倚
醉降破帽疲驢何處別
白沙寒浦曉淙淙

雪後江上卽目示馬楓階大令

鑄式

寒日瞳瞳冷倍增
早行途滑更兢兢
隔江山遠明殘

雪繞郭渠長擁斷
冰豈有千檣藏市虎

鹽腰聚泊老虎頸江濱萬

檣如林梟徒出沒

何當一擊脫鞴鷹
流亡滿目蕭條甚
破廟

無烟寺病僧

偶成

朔年急景峭寒生雪後園林愛晚晴
何事東廊偏久坐喜聽兒女讀書聲

荒村

斜日風寒早閉門炊烟冷淡不成村
牆頭計口標災石柳頂生鬚識水痕
沙漲地荒新麥少路移橋圯舊園存
相逢莫歎無生計尙待陽和煦嫗恩

題江古香

紹惟

眞州唐時古梅圖冊

俗稱返魂梅

眞州古梅天下奇一本五榦生唐時
冰霜飽歷千餘

歲含葩吐萼無凡枝花時清馥滿村郭傾城共賞裙
屐馳江鄉野廟苦湫隘遙見香雪堆簷楹條枚拳曲

薜苔駁繁英綽約瓊瑤姿壽陽點額妝未竟紛紛早

有蜂蝶知十年前見黃生畫

道光庚寅冬黃春澗曾以此梅圖卷索題詩存

本集手模疎影求題詩當日我未見梅樹想象描寫多

虛詞自從匏繫蠻江曲年年挈榼相娛嬉心驚目駭

口自語如此瑰麗真稀窺返魂之說信流俗靈植合

使神扶持隱仙玉蜨六朝種

金陵隱仙菴有六朝時玉蜨梅

奇古與

此堪肩隨歐公手種已後輩孤山稚小雲仍卑黃生

昔圖得形似清癯頗覺神支離每欲另爲花寫照不

嫺繪事空尋思古香江子今畫師居鄰舊港江之湄

風晨月夕三十載

古香自言畫梅三十年始得其神

揣摩毫髮無纖

道全梅在胸筆在手乘興揮灑何淋漓尺幅直須論
尋丈玉柯鐵幹橫斜披攜來示我詫神妙以花證畫
頤頤請君更爲臨一本張我東閣光蓬茨杜陵只
索巡檐笑何遜還與揚州期幽香艷魄真不死繁榮
那用春風吹醉臥倘入羅浮夢定有仙子來遲遲

題戴子安

元履

雪廬待訪圖

大雪滿天地蓬廬何處存空山少人過有過應閉門

袁

安定

饑臥時掃徑復何人東晉尙元虛傲慢以

爲眞看竹不問主驅逐甘訶瞋奈何乘興來到戶仍
回輪自來復自去來去兩不倫生平厭熱客常苦周
旋繁賴茲官閣冷未覺城市喧凋年坐斗室客至欲
忘言老大成疎懶偃蹇愁紛紜君年方少壯豪氣自
騰掀煖寒思同懷羞空坐上罇繪圖期返權歌曲多
陽春今日逢快雪一白井郊原茆舍濕烟斷哀鴻號
江村有酒難獨醉有裘難獨溫安得雨布粟救此饑
寒民結廬無遠近結客無賤貧他年冒雪訪待我西
湖濱

庚戌

由京口觴灣步上金山尋郭公墓

騎驢上金山步尋郭公墓岸谷曾幾時千載等朝暮

憶昔涉洪濤屢問京口渡欲汲中冷水珠潭潛驪護

白沙漠漠平泉根今何處

相傳近郭墓片石間爲龍窩中冷泉在其下須於月

夜獨棹小舟視水面有珠泡起處繩繫銅瓶沈百尺淵底取之乃得真泉今沙淤成洲與金山接矣郭

公著葬經乃亦任術數卜水知當陸就義雙柏樹殘

碑臥石叢早應知其故醺酒弔遊仙逝波杳烟霧卻

憐茶毘僧接引西方誤

亂石嵯岬莫知墓所惟斷碑三段題晉弘農太守郭璞之

墓石閒磚室乃金山寺僧火化處額書接引峯

棲霞江中

嘉慶七年壬戌春初

元淮

隨先大夫由江

南水路入都二月至此舟人指示南北諸

山各以名告先大夫隨時筆記有方山如

書乳山如乳之句

元淮

竊誌之距今五十

年扁舟過往輒愴然以悲江山如故先人
見背已三十五年矣

樓霞江景憶當年父子熒熒寄一船依舊乳山青雨
乳白雲親舍隔人天

方山方正如堆帙上有黃侯守墓廬忠孝兩完偏未

學笑他馬阮讀何書

黃靖南駐兵眞州時葬母方山侯殉節後亦附母傍

庚戌中秋陰雨慨然有作

誰放浮雲累太清下方翹首不勝情
廣寒宮遠天無
冷天柱峯高想倍明簫管吹開原可見
劍鋒揮斷恐
相驚二分空說揚州好暗雨潏潏過五更

和聯秀峯應訪

英

元韻三首

小雨秋街不作泥吟筇偶暇欲何之
佳時易過須行
樂好友難逢更惜離
謂彭雲
堦都轉
山石玲瓏尋舊館水萍
分聚憶前期新詩自寫當筵事遠勝雲鴻去後思

右和同遊玲瓏山館

宦海茫茫可奈何那堪平地亦風波
望迷島國驚河

伯力引迴舟賴孟婆方歎楚珩猶待剖始知秦鏡不
須磨荆南保障金隄固桑梓於今被澤多道光二十四年公守
荆州值楊林磯隄潰七十餘丈盡四十晝夜之力
堵築合龍若有神助至今金隄永固萬民謳頌

右和感懷

莫續鸞膠斷復連燕山何處卜塋田雞鳴戒旦思前
日鴻案相莊記往年地到東南猶不滿月逢晦朔本
難圓揚州自古稱名勝卻見嫦娥照獨眠

右和悼亡

題依淥園詩集後

依淥園者吾邑麗月溪先生別業也先生

松滋望族世居城東門外誠靜好學所著
詩古文皆淵雅有體裁得古人溫厚之遺
不才氣格律矜長子幼時曾於雷烹石
先生齋中見之彼時年少氣豪未暇領畧
今年秋先生之孫秋農茂才以重刻本託
其門人王梧軒遠道寄示蓋原板於道光
二十三年水災漂失秋農搜求重鑄可謂
能傳先生之業矣適予自金陵返棹阻風
棲霞江上舟中讀之乃歎少時魯莽深用
歆然賦此以志景慕先生名洵乾隆丁酉

拔貢生其孫名寶善邑廩生

葩經無楚風屈宋傳離騷是爲風雅始啟漢魏六朝

李唐稱最盛

浩然杜審言

尤昭昭宋元及前明七子爭

雄豪土木衣文繡刻畫皆皮毛竟陵

鍾惺譚元春

矯弊深

衆口譁然翳公安三袁繼亦復多訾警江陵盛相業

張太岳

功掩才名高此外數鄉彥傳者何寥寥松滋古

樂鄉水深山岩堯忠襄

伍文定

暨少月

王其勤

偉績後先

標吾祖堪並美

十二世祖珊有怡雲草十三世祖佑有退食軒草皆失傳

遺文兵

火銷

國初兵燹之後家集盡燬

才難昔所嗟千載渾非遼先生

抱水鑑世居城東坳讀書得妙解詩文手自抄依淥

築小園閉戶閒推敲當時傳寫徧梨棗今重雕我
讀此編少年氣頗驕迄今傷老大始識匠心勞大江
來楚蜀萬古流滔滔棲霞擁嵐翠倒景波心搖朗吟
孤篷底聲徹青雲霄魚龍不敢出鸞鶴空中翔題詩
志景仰兼用解吾嘲

題龐秋農紫園剗草

格律居然有祖風五言醞釀七言雄詩成莫訝蛟龍
攫滿紙波濤出腕中

記得初逢古渡邊當時意氣薄雲天某山某水應無
恙已是怱怱四十年

卷二十一
童領於今見白髭只堪一事報君知
論詩說劍都無興縱酒高歌似昔時

庚戌十月十三日阻風龍江邵蓮溪太守爲

設菊餐卽席賦謝

誰使東風捲怒濤石頭城下阻歸艘
封姨滯我非無意收拾殘秋賴老饕

江上雲山兩岸奇樓中風景四時宜
看花更有餐花好眼飽何如腹內饑

老圃秋容晚節存紅黃紫白滿籬根
陶公若解餐英法乞食無須別扣門

和羹已笑梅花瘦釀酒還憐菊葉鮮
大嚼空盤君莫訝從今不負腹便便

養默山房詩藁卷三十二

松滋 謝允淮 默卿

竹西集

辛亥

重泊大伊山預寄石華先生

八載重來客春風著意吹一帆天上下千柳渡頭垂

樹老花開晚老梅三月花猶盛山深月出遲故人遙在望應

笑鬢成絲

至板浦

海濱春意淺清寒三月天夾岸桃杏花黯淡紅不妍

蜃氣易銷歇珠宮何處邊雲臺獨厚我遠峯青到船

謁陶文毅公祠

自笑垂垂老還來拜舊祠雲山饒遠色松柏發新枝
祠前雲臺小松二株
蠶石塘手植也 周筴生前事甘棠去後思低徊何
所憶無語寸心知

別板浦

舊遊如故里欲去轉依依水色晴逾滑山容遠漸微
遠憐風景異終覺素心違燕子曾相識雙雙送夕暉

春日舟中卽目

桃紅柳綠菜花黃三月田園景物芳麥隴青青梨藥

白者般真不負春光

辛亥三月二十二日爲次子雲生十五初度
詩以勗之

汝生之初在胸浦禱於雲臺始生汝歲逢丁酉春三
月我時治鹺平斥鹵垂白生男望長成不覺汝年今
十五小病侵尋愁廢學解作洛吟慰阿父汝弟少小
喜聰慧肩隨問字兩嬌女一堂佔鼎誦書聲傾聽頓
忘風塵苦吁嗟父母望子心階天有梯思借取世胄
遙遙愧鳳毛景升豚犬何足數縹緲篇卷好收藏他
年待爾光門戶

又示少子雙壽

我有三男兒最小惟汝慧八齡通毛詩解詠月中桂
聰明雖可喜敦厚乃足貴不憂汝庸愚所慮近苛細
世道逾巧密民生益凋敝與其窮衆理不若守一藝
水清魚不生火急湯必沸治家與治身應知非兩事
嗜好誰能免聞韶乃忘味飽瓜繫不食爾當知勉勵

示長男

父子相期勉安能有盡時頽唐吾漸老喜懼爾應知
孝友爲家法勤勞與世宜何年歸故里兄弟樂怡怡

五月十三日蒙

恩賞換花翎并加知府銜恭紀四首

竹醉佳辰荷

寵光如年日共

聖恩長

時在夏至
前十日

辛勤尺寸皆邀

獎報稱涓埃矢不忘采絢鴉青添霽色綆影孔翠惹
天香自憐遲暮酬知晚翹首卿雲氣更揚

二

官山府海古稱難號令申明頓改觀治本富民方富
國政成能猛始能寬鳳毛自是吾家物鵬羽還隨武
士冠

道光二十三年蒙

恩賞戴藍翎

髀裏肉生曾歎慨一來盤馬

試雕鞍

三

知遇如斯已足豪臨風何事首重搔爲聞鼙鼓懷邊

徼欲向雲霄借羽毛孔雁登階彰品服

太元經孔雁之儀利用登

於階金貂換酒認宮袍

知府補服雲雁四品例得衣貂

當年亦值龍生

日爲龍生日

創舉還思運甓陶

道光十二年淮北試行票法於五月十三

日開局今已暢行二十年矣淮南新章仿照淮北亦賴陶文毅之成規在前也

四

琴瑟難調必改更無端橫議肆譏評神機獨運紆長

策庶事親裁賴老成

陸立夫制府獨決大議定力堅持始奏成效

大將功

偏雅部校名賢志本福蒼生於今薄海知鹽味
謳歌樂

和吳西穀先生見題塵夢六圖原韻

卑官豈有蒼生志采芝東山聊託始

東山採芝圖第一

觀海

觀日亦偶然

神山觀海圖第二雲臺觀日圖第三

品泉暫遠塵囂世

惠山

品泉圖

荒島鱗介敢跳波欲踏溟渤銷兵氣

吳淞防海圖第四

奈何戢守兩無策聞聞見見皆殊異異地給銀講

撫綏債軍殺將誰挑致城下之盟古所恥蒿目那可

重圖記臨敵倉皇走不羞賊退偃蹇安無事當時謀

國問何人碌碌只知門戶計祇廟重開毒中夏設教

傳徒竟莫諱使過空思李藥師奪軍安得魏無忌中
夜慷慨起悲歌唾壺缺盡鐵如意絲竹年來哀思苦
新詞且付紅牙妓

花間按譜
圖第六

二和前韻

人生貴得行其志行之當目一身始客無所好客無
能碌碌何補隆平世壯不如人老應悔望洋捧日餘
英氣佐理淮南司禹筴鹽車困驥何由異事到艱難
須改更轉敗爲功眞力致宜公奏議妙千古

謂立夫
制府

大綱細目皆典記度支充盈民食賤因人我亦誇成
事桂管炎天尙用兵島夷近復懷姦計

宵旰憂勤求治理籌邊籌海言無諱鄉里小兒強饒
舌鴻鵠高翔燕雀忌往事思量倍惘然塵痕夢影聊
摩意採蓮湖上歌君詩笑指蓮花當仙妓

三和前韻

小草在山爲遠志更名實自出山始在山出山那不
同要當有補人閒世我昔簿尉到江南逢人不敢高
吐氣初隨大府供奔走繼偶設施覺小異一經拔擢
漸知名南北微勞略可記淮北票法本創行得效推
廣原常事奈何謠詠肆雌黃不爲公計爲私計課盈
臬退民樂官莫捫眾口無須諱水怪旣鎖巫支祁火

妖宜禁宋母忌不然曾子竟殺人雖知誣罔聊快意
試問峴山羊叔子何至不如銅雀妓

四和前韻

落落竟成耿弇志平齊請自漁陽始功業炳蔚耀雲
臺聲名洋溢流百世安得將帥如古人鍊習行陣振
士氣烽火於今照粵西跳梁小醜何足異縱兵擾民
令不肅驅民爲賊誰所致一勝一敗兵之常但可捷
鳴敗勿記書生未睹戰爭苦乃於紙上談兵事老師
糜饌已經年堅壁清野宜爲計亡羊補牢猶未晚養
虎貽害那可諱與君同作壁上觀欲語恐蹈多言忌

疊韻和詩聊解憂人生何處能快意卻笑風狂杜牧
之十年只夢揚州妓

五和前韻

燕昭昔有報齊志金臺禮士從隗始一朝下齊七十
城復仇定霸名當世戰國君臣尙自振況我

熙朝乘勝氣天下何地無人材成功方顯姓名異安
邊將帥尙畱心以禮爲羅可羅致陷陣摧鋒資武勇
翩翩帷幄妙書記首惡已擒逆氛平解散脅從非難
事兵燹之餘民氣傷撫綏當爲休養計老我閒身歸
鄉里問舍何礙元龍諱奈何鹽車困驥足修途莫騁

多還忌明發將有東海行此行亦恐無當意王不留
行餉藥籠幸勿遺我千心妓

地膚草別名千心妓

六和前韻

鹽法載入食貨志煮海傳聞夙沙始海王三萬六千
鐘牢盆官給惟漢世吳淝不賦國用饒天地東南藏
寶氣四鹽九種見南史出產既殊形質異有唐劉晏
法最良僻遠常平轉販致李巽三倍已繁苛

李巽爲鹽鐵使

初歲如晏之季年其後

錡李鏞皇甫錡鏞

聚斂何足記藏

三倍晏時而法始繁苛
富在民卽在官行法貴行所無事漢嚴私煮鈇左趾
禁令本關度支計從來治法待治人利弊相踵何必

諱淝水捷聞桓冲恥官渡兵敗袁紹忌盤根錯節當
其難安能事事如人意夷吾霸才聖所許女閭亦復
誤官妓

袁將軍歌

并序

將軍名貴號明田行五蜀之達縣人少嫺
武略事母孝嘉慶中川陝白蓮教匪滋事
將軍應募充鄉勇陷陣先登冠儕伍屢出
大兵積功至參將

貴戴花翎道光二十三年調鎮江城守因公降守備
大府知其能保升都司歷權參遊事境內

盜賊肅清兵民愛戴道光三十年廣西逆
匪蠢動奉調帶領壽春兵一千赴粵助剿
以咸豐元年七月十四日進攻雙髻山奪
其天險豬仔峽扎營山頂下瞰賊巢會日
暮期翌日下壓賊賊夜半賊來劫營將軍
已有備終夜鏖戰相持達曙見騎馬賊首
楊秀清執旗指揮將軍怒單槍往擒之深
入賊隊身被數百創手刃十餘賊罵不絕
口死七月二十六日在花雷山下尋獲屍
身徧體密受鱗傷事聞奉

旨閔悼照副將例

賜卹時年六十餘矣將軍久歷戎行身經數百戰徧
體肌膚如刻畫右手大拇指駢枝帶巨珖
便弓馬沈鷺寡言遇敵勇決與麾下同甘
苦士樂爲用其在奇兵營遊擊任內常帶
健兒十名夜出適遇回倭百餘人圍捉商
舟於舊江口先放擡鎗拒捕將軍不動聲
色分十兵爲二隊疊燃擡礮擊之匪聞號
令聲識將軍音驚曰袁將軍在此耶卽奔
散鹽艘獲免與子爲義氣交每杯酒劇談

至川陝殺賊時事猛氣勃發鬚髯翕張聽者亦爲色舞去任時以所獵豹皮一襲贈別遂成千古噫將軍死矣然而將軍於是乎不死子曩在吳淞軍營時見所稱健將者莫不工應酬善談論喜修飾敢作大言人人自以爲賁育及夷舶來犯一矢未加咸棄兵先遁事後佯佯恬不爲怪聞將軍之風者其亦有動於中乎作袁將軍歌

人死畱名豹閉皮馬革裹屍真男兒將軍殺賊殉男

微

九重優恤天下知寒江歲暮感忠烈不覺涕淚交漣

溯憶昨揚州逢晚霽遙指西南有兵氣

庚戌十月君在泰州催餉

鹽艘過揚州見訪指示天上白氣謂有兵厄

豈知蠻烟瘴霧叢竟是將軍

完節地邕管連雲五嶺高懸巖溪洞聚獍獠古眉雙

髻皆天險藤峽力山本賊巢土司酋長歸

王化妖賊逆天不赦養癰貽患始何人糜餉勞師

空歎咤將軍進擣永安城俯瞰賊庭勢必爭豬仔峽

巔宵結寨花雷山下曉連兵九攻九拒方危急十盪

十決戰愈力鐵槍陷陣王賢明匹馬追奔白孝德重

圍深入一身輕垂絕猶聞罵賊聲祖髻王罷城作塚

歸元先軫面如生壽春壯士吞聲哭血染炎荒草不
綠數奇李廣漫援弓天幸票姚方蹴踘斗大孤城四
面屯時逆匪占踞永安州城中
大兵四面圍堵指日奏凱魚遊釜底無逃門好
乘雪夜擒元濟休教滄海竄孫恩掃穴殲渠芟醜類
仇頭瀝血慰忠魂故人相弔一杯酒釀酒臨風知之
否人生惡死死終有得所如君真不朽

後離言二十二首

并序

道光十二年淮北試行票法

元淮

奉委勸

辦事成曾賦離言二十二章以志緣起迄
今二十年矣去歲淮南亦疲敝不可收拾

制府沔陽陸公 奏改新章多援淮北成

案 元淮 復與其事行之期年成效大著因

賦後齏言二十二首以記一時事實體備
掌故詞從俚俗不必以詩法律之也每於
利弊交涉處再三致意不嫌重複殆所謂
言之不足而長言之歟覽者諒之

王海肇管子能事推劉晏一稅聽所之轉販流通徧
覘候使常平無貴亦無賤遐邇民食均課賦乃增羨
相沿千餘載損益法屢變駟僮工伺察網利計壟斷
疆域強畫分認岸割郡縣就場不許買趨貴民豈願

遂令梟桀徒乘隙肆侵灌智者防未然事須從民便

二

道光十二載淮北初改票創舉出急策試行姑先導
何期令甫行草風昭速效聚鏹千萬逾驗貲乃賣號
票鹽以百引爲一號驗貲得引轉售與人謂之賣號商賈競毫末經營各臻妙

於公既無損交易從民好迄今二十年僻遠無不到

餘力濟淮南協貼同報効

淮北溢引每年協貼淮南銀七十五萬數千餘兩

北納無鹽課南商轉譏笑日夜謀兼并偏以侵占告

三

淮南弊多端第一爲整輪有鹽不許賣連檣守江濱

挨售動經年坐度秋復春其二爲折運階厲始何人
六折運官引十分完課銀外觀極自克雜款空無存
其三爲攀價嚴法劫斯民官貴私更揚岸租積連困
其四爲岸店按引攤費均鹽少費愈重稍靳遭訶瞋
歲支百餘萬多於正賦云此外如中路安慶池州太平等府引地
呼爲場網私莫分就場網運不過儀掣始於官運委
中路員其後揚商援案照辦帶私過半
食鹽借融楚四美衆所欣食鹽不銷巧爲融楚之說
楚額既已折運何能更代
食融因融引有緩納錢糧一兩數錢又免出岸費准
其提開先售不歸輪規又提公費協貼名曰四美具
以輕科則之引賣重科則之
價揚商自退自認繆葛最甚每逢奏銷時要挾難具
陳官長仰屋歎傍睨若罔聞必待所要遂勉納聊解

紛太阿久倒持體制復何論

四

事窮當知變弛弛須改張奈何膠柱者守死道其常

戊申己酉間商運不成綱

淮南引額一百四十萬道光戊申僅運三十三萬餘

引

司庫空如洗催比絕輸將芻蕘偶獻納萬喙喧蝸

蟬造言快私忿聲影吠若狂乃於中秋夕蜂擁闕我

堂

揚商因子有改法之稟遂以改綱不在儀徵爲詞唆使工人數百於道光二十九年中秋日闕至監

掣署中予出坐大堂對眾開導始散去

理遣雖解散陰謀思中傷秦鏡

破姦膽鬼蜮始潛藏一鎖巫支祁淮波永不揚

五

天道有循環人事有往復嗟我三楚氓坐困禹筴酷

塞井不容煎

巴東縣常豐鎮澧州張家場皆有鹽井封閉不許私開

塊鹽值石

粟

楚沮八斤四兩呼爲一塊荆州鹽價每塊

楚民咽

糠粃大腹厭梁肉楚民衣破絮紈袴玩珠玉積怨結

霄漢化爲烈燄伏一發燔千舟民氣始舒服

道光二十九年

十一月十九夜湖北武昌壇角火焚鹽船四百餘隻

燬鹽二十六萬七千餘引銷折商貲四百餘萬兩死者數往聞壬寅秋捏報夷氛熇補運漏天稅陰狡貪

未足豈知數年後取償付回祿蒼蒼不可欺今後莫

予毒

道光二十二年嘆逆闖入長江儀徵鹽艘被焚

空船數隻重船皆避免乃捏報被燬二十餘萬引悉准補運及二十九年漢岸火焚各商引悉與捏

數相符當報夷燬時一商偶以出費遲未准補運及

漢岸火災此商鹽船亦以未
及收幫免天道之難瞞如此

六

淮南銷引額一百四十萬楚民困於鹽銷數居大半
倍蓰江浙漕陶公有奏案三月豈聞韶忘味嘗竊歎
所以鄉黨賢講求思勝算淮北利皖豫澤未及江漢
陸公繼陶公羅智星斗燦號令一振新頓覺旌旗換
舊制商人請運必須徧歷運司十九房科及四首領
衙門新章刪除繁文所有正雜錢糧同時並納設立
總局收銀給照以免捐難積壓又將引目裁除改用
鹽照每張十引每引六百斤或小包為中包每包六
十斤每全淮除痼疾淮南料則中路安池太向照楚
引十包全淮除痼疾西八折上江甯和合六折成本
輕重懸殊致啓趨避取巧新章無分江廣免塗炭銷
綱食科則一律相平聽商隨便捐運

不分綱食只分四路湖廣爲一路江西爲一路安徽爲一路江蘇爲一路凡運湖廣鹽者准在湖北湖南所屬各府廳州縣凡係淮南引地境內城鄉市鎮水陸隨商發賣惟不准越出淮引界外江西皖蘇三路亦如流惠被閭閻歲逾千萬貫楚省鹽價每斤以八十文牽算六百斤成引每引計錢四十八千今改新章減值一半以歲銷七十萬引而論每年楚民食鹽可省制錢一千四百萬緡共總江廣皖蘇合計則歲減鹽價二千七八百萬緡矣

公自爲

國謀餘恩霑里閭遙聞湘漢閒感激逮庖爨近得里人書言家鄉鹽價驟賤每斤三四十文農民歡聲動地咸稱從古所未有

七

事機有遇合遲速皆非宜淮北昔著效淮南應可推桓桓陶文毅乃曰姑遲遲經營二十載卷懷無所施

何意沔陽公慷慨堅不疑楚材資鄉彥

童石塘太守

同心

廣詢諮選擇權都轉毅然思有爲

石塘攝運司踰月即定新章之議

排眾決大議夕上朝行之

道光三十年二月初八日入奏

中外拭目

觀揚楚騰譁譏

奏出中外皆拭目觀效惟揚州商蠹楚西官吏羣相譁議以爲必不可行

井蛙樂井底安得窺天池

八

星斗雖滿天仰望惟明月恒沙雖滿河淘洗惟金屑

一柱擎玉樓五石補天缺賢才爲

國寶艱鉅仗勇決諸葛集眾謀千古推明哲方伯濟

時才洞垣見癥結廉訪御輕車一駕無畱轍都轉勤

簡領終日手不輟此外皆俊豪棟樑用各別百川宗
渤海溪澗異澄澈能調將相和乃建安劉烈英雄盡
入彀大巧恆若拙

九

大禹平橫流低處先疏導越人起沈疴標本分治療

利病觀所由興除乃得要裁岸狼失窟

楚西岸店全裁歲省陋規

百餘設局鼠離廟

揚州設立總局綜司收課

潯陽楚

咽喉青山西閩奧蕪湖益皖津龍江匯羣櫂

奏設九江湖口

蕪湖龍江四卡委員駐紮查驗楚西皖蘇四路

四卡

既得所一歸息眾鬧

時場商居奇擡價民販無鹽可買乃遵照奏定章程鹽歸局

派諸樊
盡除

意見多異同
莠言屢柄鑿高岡
鳳一鳴沸耳

寂鴉噪黑海已無風
餘波猶怒拗岸官
嫉若仇遇商
酷逾盜關吏恣魚肉
藉關以爲暴
風雨雖晦冥行看
赤日照

十

初日麗中天
大地迴陽春
和風被廣野
萬類俱懷新
天聽自民聽
富

國先富民

明良際昌時機合
如有神

聖見萬里外

恩周江海濱何事獨悻悻辯難起紛紛粗官豈足責
惜彼封疆臣蟻羶慕不止象齒焚其身

十一

衣食爲民天布粟值隨時百貨各有用貴賤多參差
采間官定價交易得所宜鹽調五味和胡爲獨牽持
低昂皆不許遲速聽指揮爭售禁小商一賤虧眾貴
科則旣一律商販兩同之小販何獨減奢儉勢難齊
不能自撙節翻言減價非擡價曰病民減價曰敵私
同爲負貲本誰肯甘折虧賤賣豈得已乃以爲罪魁
在昔劉子安常平杜居奇前年新章法亦云便蒸黎

何意半年後事事循弊基朝議攀岸價暮議設公司
勒民使食貴瑣瑣懸條規遂令販與民進退觸棘籬
一朝激事變何以治夢絲

十二

漢法嚴私煎緝捕古有尙場鄰道路殊爲害則一樣
場私出自場夾帶斤砵放沿海數百里港汊難籍帳
處處潮汐通片帆穩無恙是宜守要津捫胸扼其吭
斷鵠江口名對棲霞古稱黃天蕩於此設關隘專稽逆
流舫梟絕行旅安官民兩不妨鄰私川潞粵惟川最
巨量鹽泉本天生火井煎尤旺岷源西徼來銀濤湧

天上千巖兩壁懸一水中奔盪起幫趁銅船銅鉛船隻自瀘

州改由水路道經涪忠雲陽奉節等州縣隨處購私

業已滿載比至夔關另有巨梟囤私附喪名曰起幫

每船裝載七八萬斤每水引消愈暢四川巫山一縣

幫二十餘船透漏最多蕞爾山城人烟

凋敝歲消川鹽一千三百餘引川鹽每引正雜錢糧

不及三兩每水引一張配鹽五十包每包一百三十

五斤合淮放溜急於梭鼓行誰敢抗從前川江緝私

南十七引官渡口起東至宜都縣之白洋河止共設七卡每年

商捐銀四萬兩存湖北鹽道庫以備緝私之用惟查

官渡口至歸州之小清灘計程三百餘里古稱上中

下三峽兩崖壁立千仞中流波浪如雷舟行急於飛

鳥斷難停泊待查出峽指彝陵兩涯漸空曠灘盡水始平喜

見清波漾壩以平善稱蜀船爭艤傍於此設關隘查

驗乃得當峽水飛流直至宜昌府東湖縣之平善壩

始得安流平穩壩因以名蜀船到此方能

停泊應於此處設卡盤查爲妥

川淮漏卮塞官嵯隨所向楚西皆坦

途舳艫銜尾望商利課自盈何事轉惆悵

十三

兩利不可常兩害不可當擇害取其小擇利取其長
損益去取閒措施須有方淮北昔凋敝沈痼入膏肓
刀圭遇和扁共躋仁壽鄉淮南改新法布置彌周詳
引地多五倍運道一葦杭南北難俱盛相輔毋相妨
鹽質殊顆末經界各封疆奉行倘得所何至愁兩傷
驗貲有成案遵守其勿忘

十四

南場產於熬本重鹽粒小北場產於曬本輕鹽質老
應以北有餘協濟南闕少北不患透私南額兼可保
合之爲兩全海運行宜早異哉月旦評奇論出意表

乃言運費輕病竈屬取巧

南鹽每引定價三兩三錢
加以到儀水腳需銀四兩

四五錢場商無鹽應販格外勒增七八錢每引合銀
五兩以上北鹽每引一兩由海運儀水腳一兩餘共
銀二兩三四錢較南減費大半鹽質既好復免存場
透梟之害誠爲兩利之法而論者獨謂海運北鹽成
本太輕有礙南場催不煎北場禁莫掃盈盈一水隔
場竈大局

飢寒異溫飽試看江蘇漕萬艘凌蓬島

有以海道不靖爲議者其

實由海州青口以入長江繞行各場海濱並非大洋
且鹽出於海海中所少者非鹽也道光六年二十八
年江蘇兩次海運漕米數百萬石皆獲平安本年江
蘇浙漕現亦奏准海運豈米可出洋鹽不可出洋

前繞行海濱轉險
於黑水大洋耶

十五

大商招不來矜持每倨慢小商無門入微貲羞自銜
斟酌體人情儀徵設鹽棧地近鑾江口來往帆檣便
運鹽堆棧中市價隨貴賤十引至百引多寡從所願
水販遂爭趨紛飛如燕雁民食既得平

國課亦增羨

儀徵設立鹽棧以便小販買運自道光三十年十月十三日起至咸豐元年歲

底止棧運小販共行六十四萬二千二百引較大商爲多奈何壟斷者偏憎爲己

患束縛桎梏之若有深仇怨商賈競錐刀美利謀獨
擅賢哲明治理胡亦爲構煽藏珠腹猶剖攫金人豈

見棧戶曷足云吾黨思狂狷

十六

課重商無利價貴民不買加斤輕科則帶乙藉分灑
戊申綱科則每年運鹽八十九萬五千餘引每引徵
銀五兩七錢一分新章復額二十萬引每年運鹽一
百九萬五千五百十引每引攤輕銀五錢餘查乙未
一綱錢糧分作十年攤帶全完鹽尚未運援照近日
長蘆山東加斤之案准其每引帶運二百斤以六商
百斤成引又可暗減成本一兩零實出苦心體恤商
運納課鹽民銷仍加倍商民兩便益傍觀偏未解謂
鹽賤病商竟以多爲臯試問丁戊年停運奚困殆未
戊申兩綱僅各運三十餘萬引岸銷更滯復額及減斤狂談類愚騷恤災
有新章免課

恩綸在舊商胡不運可知法難改

新章本有矜恤災商一條因道光二

十九年漢岸火燬商鹽秦明免課補運准被災各商請運新鹽千引者配帶補運免課鹽二百引仍照舊制四百斤不淮再帶乙鹽各商因不淮加斤合算成本與新鹽相埒已庚兩年災商認運新鹽八十餘萬引並無一商請運免課之鹽此項災恤四百斤成引與復額無異可知鹽少無利雖免課倘不肯行說更加增搔首漫沈吟好辯將毋乃錢糧乎

十七

遇事羣斂手事成多責備孰知締造艱見長思立異

兩淮稱外府足額談何易取盈半載閒支解已無贖

道光三十年四月初三日新章開局收稅至十月

奏銷已酉全綱課銀四百餘萬兩掃數報解實有餘省銀三十萬兩聽候部撥向來淮南奏銷專報正課二百餘萬其商人完課分請呈加三次上納多係

前後套搭新章正雜錢糧同時
並繳毫無帶欠實係年清年款
歲運百萬引岸銷
非滯道光三十年七月初十日儀徵新鹽開細截至
咸豐元年十二月歲底止年牛之間共細楚西
皖蘇四路鹽一百三十六萬七千一百引獨患賣價
爲從來未有而議者猶以岸銷不暢爲詞
低此皆私充致人情徇目前未見置勿議連橫聚不
堵顆粒求疊弊良賈畏官人隱忍期無事爲政持大
體勿但搜苛細

十八

周文爲臺沼子來民趨將秦始築長城鞭撻民逃亡
漢家有制度約法原三章王霸道雖殊用貴得所當
禹筴霸餘略鬻海宗海王事權操之官擒縱賴弛張

挈衣先挈領提綱先提綱綱領一顛倒棘手空徬徨
霸術嚴紀律扶弱抑強梁減價輕貲本用以繩竈場
王道主招徠美利連舟航保護若赤子用以卹良商
守株焉獲兔補牢已亡羊寄言虞羅者須爲虎兕防

十九

陳平出奇計功並三傑美范增好奇計抱憤歸鄉里
英雄見雖同遇合難終始曾子不殺人三訛慈母起
奈茲萋菲舌忠告遭掩耳銀蟾在絳霄眾目咸仰視
如錢復如鏡萬殊無一是清光何處無吾欲問月姊

二十

用賢非一途三代無科目長卿起貲郎卜式緣納粟

國朝二李公

衛世傑

事功皆炳煜何期逐末流雜進多

碌碌獎敘歸報効致身化尤速鵬冠孔翠飄金貂狗
尾續淮陰羞伍噲硤硤竟勝玉銅臭敢自嫌有人還
追逐

二十一

善作不必成善始不必終達哉王景略斯語何悲恫
阿堅事草創志豈忘江東大患存肘腋乃不疑慕容
想當運策始先已愁鶴風驍驪困鹽車仰首鳴途窮
一朝孫陽顧騰趯應飛空奈何復踳躓詭遇非所從

無為歎伏櫪驄瘦行步工

二十二

我本農家子讀書無所成十九入京師嘉慶七年入都試仕

闔閭城十年分發江蘇卑官同蟣蝨跪拜苦逢迎初攝蘭陵

尉十四年署武進縣典史再出莅南荆二十四年署荆溪縣典史五載畱下

邳道光元年補邳州舊城巡檢更襲東山名五年調太湖東山巡檢屢載靈

巖酒七年升蘇州府照磨未聽金壇鶯九年升金壇縣丞未及履任祝其欣

捧檄十四年署贛榆縣乍喜小鮮烹推擇尹錫山十四年八月升無錫

縣知縣知渴解山泉清十七年到中間効奔走有若勞尾

蘋漕海致通倉道光六年勸辦海運疏瀹歸東瀛濬吳淞江秦淮河邳州民

便河海州場河徙
陽運河儀徵鹽河
救災拯溺鑿
查辦邵州海州江都災賑
飛雪息

鬪爭
總辦淮北票法
義我郁州峯列岫高崢嶸相看

烟霞外知我去住情
判十六年署海州運判十七年卸事
真州一階轉

淮揚萬目瞠
十九年升淮南監掣同知
從戎守吳淞
二十年調赴上海軍營

胸浦團鄉兵
二十一年再署海州運判團練防堵
兇鋒伏未逞義勇揚

先聲竭來又十年風波喜無驚邂逅逢明哲賞拔心

獨傾議合投石水聆音叶竽笙功成書殿最刻薦冠

羣英秩晉二千石翠羽加冠纓
咸豐元年淮南新章著效蒙制府保奏奉

旨賞換花翎
并加知府升銜
感激風塵下殊遇邀

恩榮何須歎遲暮夕陽多晚晴丈夫恥空言發策貴

能行奉行有未善補救勞經營惟此新章法審度出
精誠好事者誰子慎勿輕改更徒倚寒江頭春風日
夜生家無淡食慮

國富民豐亨農商各得所吾亦歸課耕永偕枌榆老
歌詠酬

昇平

壬子

重過徐州志感

雲龍山色鬱青葱河水無波路可通

去歲八月河決
豐北蟠龍

水直注微山昭陽二湖爲馬陵山阻復回六塘
由海州入海下游黃河斷流河底成陸車馬交馳

憶勝游如舊夢

謂甲申暮春徐州道府公餞學政周石芳先生於雲龍山事

再來

詞客亦頽翁

當年予甫四十今越二十九寒暑矣

斬蛇澤遠開王業戲

馬臺高見霸功千古廢興皆有命漫將成敗論英雄

豐工紀事效竹枝體

黃河萬里入江南慎守長隄眾所諳自昔豐蕭稱穩固其如監子夢方酣

平時修築本虛傳水長工忙各晏眠最苦居民求代

護廳官索據不還錢

歲料春工所領庫款廳員悉以償債并不加修及盛漲搶險道

將皆不臨工蟠龍集典舖居民見勢急情願墊錢搶護豐北通判王熙善先令寫立不要還錢字據以致

人散隄潰

從來潰溢岸南多北決深虞噴運河二百餘年資轉
漕可堪一夕化平坡

昭陽微山二水碧盈盈收蓄全因濟運行湖裏人家

今送喜淤成平地好深耕

黃流北注復東回爲有連山湧不開

決口直衝昭陽微山二湖爲馬

陵山所阻仍由駱馬湖六塘河歸海州入海

仍是海州堪入海可憐一路

雁鴻哀

土風强悍古徐州齊豫毗連更可憂數十萬人何肅

靜制軍親駐鮑家樓

制軍於上年八月得信後星夜臨工親駐東壩鮑家樓者八閱

月拏獲拒捕捻匪一百餘名立時正法梟示者十四犯匪徒斂迹兩壩及挑挖引河夫工數十萬人各安

工作不聞喧囂

一夫無失體

天心率屬捐廉廿萬金壯健趨工工代賑衰殘婦孺荷

恩深

制軍倡屬捐銀二十萬兩撫恤災黎按旬計口散給人民安堵不知有災

歷來口岸半朦朧

堵築潰決俗名打口岸

上下侵漁算秉公料

不虛收錢不扣這回真箇辦清工

督河二憲以下及現任丞倅牧令各

工員俱自備貲斧一切收支工料給發銀錢俱核實給領獎絕風清咸謂自有大工以來無似此番清白者

捐錢購料概從寬市僧居奇白眼看

大工初開錢店居奇每銀一兩

易錢一千五百文料販捐料不售督部檄各屬捐賑
者俱解錢赴工銀價頓長至每兩一千九百餘文又
委員赴河南購料料價亦節省
平每垛銀一百三十兩

帑金三百萬得人難更用人難

初議堵築豐工時老
於河事者咸稱必需

八百數十萬兩督部再三駁減只
請四百五十萬兩大失工員所望

兩壩分鑲各務先嫩灘新漲或天緣

正壩口門中漲
生雞心灘二壩

亦有漲灘進占較速熟悉河工者或
謂嫩灘見濶則墊轉以刷去為穩

合龍休待桃花

水要在清明百五前

大工約在二月底可竣督部定
限二月十四日合龍以十五日

清明即交
桃汛也

袁浦晤包慎伯先生有贈

老作諸侯客江東大布衣

慎伯出為江西新喻令龍
歸客楊至堂河帥幕中自

署江東
布衣

縱橫談世事
擲闔決兵機

時論豐北堵築白
及廣西勦匪事

眼睛猶昔青雲志
已違郎君皆出仕
莫訝故人稀

時年

七十有八長君新選湖南安福縣
典史次郎現仕海州直隸州判

鵑鵑吟

鵑鵑一名寒號蟲候時求旦之鳥也生北

方寒地狀如小雞肉翅四足夏月毛采五

色自鳴曰鳳凰不如我初冬毛脫忍寒夜

鳴曰來朝造箇窠及天明日出又鳴曰得

過且過日出暝和歎此微禽苟且偷安得

時敢傲鳳凰失意積惰自解其羽族中鬪

昔者乎別有鷦鷯勇健好鬪期於必死武
士冠之此爲毅鳥非寒號之疇也

鷦鷯當夏月毛采何輝光乘時矜得意自鳴薄鳳凰
鳳凰久不儀虛此阿閣堂衆禽趨叢薄鷦鷯據高岡
顧盼深自喜飲啄厭餘糧南徼產訓狐流毒在炎荒
嗟爾求旦鳥鍛羽號夜長長夜有時旦赤日來東方
就暝欣朝旭苦寒勿遽忘上黨有毅禽勇健赴敵場
所鬪力致死猛氣彌激昂名同德乃異志士爲慨慷

詠古一首柬馮景亭太史

桂芬

國士無雙蓋代功淮陰去後釣臺空一時戰勦爭人

狗千古沙場弔鶴蟲奇計不行悲亞父霸圖終毀惜
重瞳可知亭長成王業端在捐金弗問中

望海一首再柬景亭

長嘯對瀛洲迷濛蜃氣浮此中藏怪物天外有仙舟
未信魚千里終憐貉一邱似聞龍伯釣明月以爲鉤
寶應湖上阻風寄許石華先生

狂風竟何意日夜吹不休欲阻歸墟水難迴倒峽流
汪洋河伯歎急促海王愁獨有江湖客垂楊繫小舟